



文苑英華卷第二百七十六

詩二百二十六

送行十一

武元衡十一首

姚係三首

馬異一首

楊巨源五首

楊衡九首

陳羽八首

歐陽詹二首

韓愈十一首

孟郊十首

呂溫四首

送李侍郎

集作裴起居

元衡

沱江水綠波喧鳥去喬柯南浦別離處東風蘭杜多長亭
春婉婉層漢路蹉跎會有歸朝日班超柰老何

送常侍御司議赴東都

前人

洛京千里近離緒亦紛紛文憲芙蓉沼元方羔鴈群河關
連鞏樹高山接秦雲獨有秋風引集作思睽携不可聞

送太常十二兄罷冊南詔却赴上都

鄉路自茲始征軒行復留張騫隨漢節王濬守刁州澤國
煙花度銅梁霧雨愁別離無可柰萬恨錦江流

送徐員外使還上都

前人

九折朱輪動三巴白露生蕙蘭秋意晚關塞別魂驚寶瑟
連宵怨金壘盡醉傾旄頭星未落分手轆轤鳴

送李正字歸蜀

前人

已歛甘泉賦仍登片玉科漢官新組綬蜀國舊煙蘿劔壁
秋雲斷巴江夜月多無窮別離思遥寄竹枝歌

送吳待御司馬赴台州

前人

屬耽佐郡遙川陸共集作此迢迢風景輕吳會文章變越謠
煙林繁橘柚雲海浩波潮余有靈山夢前君到石橋

送常集作幸秀才赴滑州謁太夫舅

陌頭車馬去翩翩白面懷書美少年東武楊公姻婭集作好

重西州謝傳舅甥賢長亭叫月新秋鴈官渡含風古樹蟬
知已滿朝留不住貴臣河上擁旌旄

送張六諫議回朝

前人

詔書前日下丹霄頭戴儒冠脫早貂笛怨柳營花集作烟漠
漠雲愁江館雨蕭蕭鴛鴻得路爭先翥松桂凌寒識集作獨

後凋歸去朝端如有問玉門關外老班超

同幕中諸公餞送李侍御歸臺

前人

昔年專席奉清朝今日持書即舊僚
珠履會中簫篥思白雲歸處帝鄉遙
巴江暮雨連三峽劔壁危梁上九霄
歲月不堪相送盡顏顏更爲集作被別離凋

送崔判官還

集作使

太原

前人

勞君車馬此逡巡我與劉君本世親
兩地山河分節制十年京兆共風塵
笙歌幾處胡天月羅綺長留蜀國春
報主自應集作由來須盡敵相期集作煙塵萬里寶刀新

送唐次

前人

都門去馬嘶灞水春流淺青槐驛路直集作長白日離亭晚
望望煙景微草色行人遠

送陸渾趙主簿宗儒赴任

姚係

山中渺然意此意乃平生長口望鳴騶
遙對洛陽城故人更爲隱懷此爲蓬瀛
夕氣渭川殿上晨流瀉岸明存亡區中
事影響羽人情溪寂值猿下雲歸聞鶴聲
及茲春始暮花葛正相繁會有携手日悠
然去無程

送周愿判官歸嶺南

早蟬望秋鳴夜琴怨離聲
眇然多異感值子江山行由來
重義人感激事縱橫
往復念遐阻淹留慕平生
晨奔九衢棧暮始萬里程
山驛風月樹海門煙霧城
易綰泉源近拾翠沙溆明
蘭蕙一爲贈貧交空復情

揚參軍庄送宇文觀

前人

秋雲冒原隰野鳥滿林聲愛此田舍事稽君車馬程離堂
慘不喧脉脉復盈盈蘭葉一經露香消爲贈輕燈光耿方
寂蟲思隱逾清相望忽無際如含江海清

送皇甫湜赴舉

馬異見文粹

馬蹄聲特特去入天子國借問去是誰秀才皇甫湜含吐
一腹文八音兼五色主文有崔李郁郁爲朝德青銅鏡必
明朱絲繩必直稱意太平年願子長相憶

清明日後土祠送田微

雜詠作微

楊巨源

清明千萬家處處是年華榆柳芳辰火梧桐今日花祭雜詠
作祠結雲綺遊陌擁香車惆悵田郎去原廻煙樹斜

送杜郎中使君赴虔州

前人

南康路清輝得使君虎符秋領俗鵝署早辭群地遠
仍連戍城嚴本帶軍傍江低檻月當嶺滿惚雲境勝閭闔
間天清水陸分和詩將惠政頌述九衢聞

重送胡大夫赴振武

前人

何年擢桂儒生業今日分茅聖主恩旌旆仍將過鄉路軒
車爭看出都門人間文武能雙捷天下安危待一論布惠
宣威大夫事不妨詩思許琴樽

送陳判官罷舉赴

前人

練思多時冰雪清拂衣無語別書生莫將甲乙爲前累不
廢煙霄是此行定愛紅雲燃楚色應看白雨打江聲心
期王帳親台位魏勃因君說姓名

送李虞仲秀才歸東都因寄元李二友

高翼閑未倦孤雲曠無期晴霞海西畔秋草燕南時
鄴中多上才耿耿丹霄姿顧我於逆旅與君發光儀
同將儒者方獲忝携疑作人知幽蘭與芳佩寒玉鏘
美詞舊友在伊洛鳴蟬思山陂到來拜春風夢盡
雙瓊枝素業且無負青冥殊未遲南橋天氣好脉
脉一相思

廣州石門寺重送李尚赴朝時兼宗正卿 楊衡

象闕趨雲陛龍宮憇石門清鏡猶啓路黃髮重攀
轅藻變朝天服珠懷委地言那令蓬蒿客茲席未
離樽

送孔周南之海謁王尚書

更禫若流萍桂寒山更清望逕公生碧落看日下
滄溟潮盡

收珠毋沙閑拾翠翎自趨龍戟下拜爲誦芳馨

冬夜舉公房送崔秀才歸南陽 前人

聞君動征棹犯夜故來尋強置一樽酒重款百年
心燈白霜氣冷室虛松韻深南陽三顧地幸偶價
千金

送陳房謁撫州周使君 前人

匡山一畝宮尚有桂蘭叢鑿壁年雖異穿楊志幸
同貌羸緣塞苦道蹇爲囊空去謁臨川守因憐鶴
在籠

江陵送客歸河北 前人

遠客歸故里臨路結徘徊山長水復闊無因重此
來聊將歌一曲送子手中楹

送鄭丞之羅浮中習業 前人

百年泛飄忽萬事繫衰榮高鴻脫矰繳達士去簪纓始從
天日疑遊復作羅浮行雲卧石林密月窺花洞明全形在
氣和習默憑境清夙秘終囊訣屢投金簡名鍾筦促離觴
煙霞隨去程何當真府內重得款平生

送王秀才往安南

前人

君爲蹈海客客路誰諳悉鯨度乍疑山鷄鳴先見日所嗟
迴棹晚倍結離情密無貪合浦珠念守江陵橘

送公孫器自桂林歸蜀

前人

桂林淺復碧潺湲半露石將乘觸物舟暫駐飛空錫蜀香
異青眼蓬戶高朱戟風度杳難尋雲飄詎留跡舊戶閑花
草馴鴿傍簷噪揮手共忘懷日墮千山夕

秋夜桂州宴送鄭十九侍御

前人

秋至觸物愁况當離別筵短歌銷夜燭繁緒遍高絃桂水
舟始泛蘭堂榻詎懸一椀勾一作離阻三歲奉周旋鴉噪
更漏颯露濡風景鮮斯湏不共此且爲更留連

送戴端公赴容州

陳羽

分命諸侯重葳蕤繡服香八蠻治險阻千騎踏繁霜山斷
旌旗出天清劔珮光還將小戴禮遠出化南方

送殷華之洪州

離堂悲楚調君奏豫章行愁處雪花白夢中江水清扣船
歌月色避浪宿猿聲還作經年別相思湖草生

西蜀送許中庸歸秦赴舉

前人

春色華陽國秦人此別離驛樓橫水影鄉落入花枝日暖
鶯飛好山晴馬去遲劔門當石隘棧閣入雲危獨鶴心千
里貧交酒一卮桂條攀偃蹇蘭葉藉參差旅夢驚蝴蝶殘
芳怨子規碧霄今夜月惆悵上峨眉

送友及第歸江東

前人

五陵春色泛花枝心醉花前遠別離落羽詩選作第耻為關右
客成名空羨里中兒都門雨歇愁分處上店燈殘夢到時
家住洞庭多釣伴因來相賀話相思

梓州與溫商夜別

前人

鳳凰城裏花特別玄武江邊月下逢客舍莫辭先買酒相
門曾忝共登龍迎風騷屑千家竹隔水悠揚五夜鍾明日

又行西蜀路不堪天際遠山重

送友人遊嵩山

前人

嵩山歸路繞天壇雪影松聲滿谷寒君見九龍潭上月莫
辭清夜訪袁安

伏翼洞送夏方慶

前人

洞裏春晴花正開看花出洞幾時迴殷勤好去武陵客莫
引世人相逐來

送德輿歸穿石洞山居

前人

烏巾年少歸何處一片綵霞仙洞中惆悵別時花似雪行
入不肯醉春風

送潭府州陸戶曹之任曹自處州淘倉受

集作司倉處州

除

歐陽詹

三語又為椽大家聞屈聲多年名下人四姓江南英衡嶽
半天秀湘潭無底清何言驅車遠集作遠車去有蒙莊情

福建送鄭楚材赴京時監察劉公亮有感激鄭意

前人

美人河嶽靈家本滎陽

集作水

瀆門承若蘭族身蘊如瓊文

早折青桂枝俯窺鴻鵠群邇來丹霄姿遠逐蒼梧雲有伊
光鑿人惜茲瑤薰薰酣前激昂四座同氛氲海郡梅靈晴
山郵炎景曛廻翔罷南遊鳴喚期西聞秦塞鸞鳳征越江
雲雨分從茲一別離佇致如堯君

送鄭尚書赴南海

韓愈

番禺軍府盛欲說暫停盃蓋海旗幢出連天觀閣開衙時
龍戶集上日馬人來風靜鷄鷓去官廉蚌蛤廻貨通獅子
國樂奏越王臺事事皆殊異無嫌屈大才

送李尚書赴襄陽

得長字

前人

帝憂南國切改命付忠良壤畫星搖動旗分馱簸揚五營
兵轉肅千里地還方控帶荆門遠飄浮漢水長賜書寬屬
郡戰馬隔隣疆縱獵雷霆迅觀碁玉石忙風流峴首客花
艷大堤娼富貴由身致誰教不自強

杏園送張轍侍郎

前人

東風花樹下送爾出京城久抱傷春意新添惜別情歸來
身已病相見眼還明更遣將詩酒誰家逐後生

送桂州嚴大夫

蒼蒼森八桂茲樹在湘南江作青羅帶山如碧玉簪戶多
翰翠羽家自種黃柑遠勝登仙去飛鸞不假驂

一作暇參

送李員外院長分司東郡

前人

去年秋露下羈旅逐東征今歲春光動驅馳別上京飲中
相顧色送後獨歸情兩地無千里因風數寄聲

送李六協律歸荆南

前人

早日羈遊所春風送客歸柳花還漠漠江鷺正飛飛歌舞
知誰在賓寮逐使非宋亭池水綠莫忘蹋芳菲

送侯喜

已作龍鍾後時者懶於街重不蹋塵埃如今便別官長去直

到新年簡日來

送李翱

廣州萬里塗山重江逶迤行行何時到誰能定歸期揖我
出門去顏色異恒時雖云有追送足跡絕自茲人生一世
間不自張與施譬如浮江水縱橫豈自知寧懷別時苦勿
作別後思

送石洪處士赴河陽幕

前人

長把種樹書人云避世士忽騎將軍馬自號報恩子風雲
入壯懷泉石別幽耳鉅鹿師欲老常山險猶恃豈惟彼相
憂固是吾徒耻去去事方急酒行可以起

送李礎判官歸湖南

前人

長沙入楚深洞庭值秋晚人隨鴻鴈少江共蒹葭遠歷歷
余所經悠悠子當返孤游懷耿介旅宿夢婉婉風土稍殊
音魚鰕日異飯親交俱在此誰與同息偃

送諸葛覺往隨州讀書

前人

鄴侯家多書插駕三萬軸一一懸牙籤新若手未觸為人
強記覽過眼不再讀偉哉群聖文磊落載其腹行年五十餘
集作餘出守數已六京邑有舊廬不容久食宿臺閣多官

負無地寄一足我雖官在朝氣勢日局縮屢為丞相言雖
懇不見錄送行過淮集作水東望不轉目今子從之遊學

問得所欲入海觀龍魚矯副逐黃鵠勉為新詩章月寄三
四幅

送殷秀才南遊

孟郊

詩句蒲離袂酒花醺別顏水程千里外岸泊幾宵間風葉
亂辭木雪猿清叫山南中高集作古事詠遍始應還

張徐州席送岑秀才

前人

振振芳集作蘭步升自君子堂冷冷楓集作桂吟生自楚

客腸迷集作鳥無定棲驚蓬在他鄉去茲門館閑即彼道
路長雨餘山川淨麥熟草木涼楚淚滴章句荆塵蒲集作

送崔寅亮下第

前人

天地唯一氣用之自偏頗憂心集作成苦吟達士為高歌
君子識不淺枝蔓幽更多歲晏期攀折時歸且婆娑素貌

集作質貌如削王清詞若傾河潛虬集作虬未化時魚鱉同一波去矣當自適故山饒薜蘿

送韓愈從軍

前人

志士感恩起變衣非變性親賓改舊觀僮僕生新敬坐作群書吟行為孤劍詠始知出處心不失平生正淒淒天地秋凜凜軍馬令驛塵時一飛物色極四靜文粹作淨王師既不戰廟畫在文粹作廟畧盡無競王粲有所依元瑜初應命一章諭檄明百萬心氣定今朝旗集作旌鼓前笑別丈夫盛

贈崔純亮別

前人

食齋腸亦苦強歌聲無歡出門即有礙誰謂天地寬有礙非遐方長安大道旁小人智慮險平地生太行鏡破不改

光蘭死不改香始知君子交集作交久之集作交久道益彰君心

與我懷離別俱迴遑譬如浸蘗泉流苦日已長恁泣目易

衰恁悲形自文粹作易傷項籍豈非集作非壯賈生豈非集作非良

當其失意時涕泗各滿集作沾裳古人勸加飡此飡難自強

一飲集作一飯九祝噎一嗟十斷腸况是兒女冤集作怨冤氣

凌彼蒼彼蒼若有知白日下清霜今朝始驚呼碧落空茫

茫

送任齊二秀才自洞庭遊宣城

前人

洞庭非人境道路行虛空二客月中下一集作片帆天外風

魚龍波五色金碧樹千叢閃恠如可懼至誠無不通扣竒

驚浩森採異動窮崇物表積高韻人間訪仙公宣城文雅

地謝守聲問融證玉易爲力辨珉誰不同從茲阮籍淚且免泣途窮

山中送從叔簡

前人

莫以手中瓊言邀世上名莫以山中迹久向人間行松栢有霜操風泉無俗聲應憐枯朽質驚此別離情

送從弟郢東歸

前人

爾去東南夜我無西北夢誰言貧別易貧別愁更重曉色奪明月征人逐群動秋風楚濤高旅榜將誰共

大梁送柳淳入關

前人

青山轉爲塵白日無閑人自古推高車爭利西入秦玉門與侯門待富不待貧唯賚集作空携一束書獨去將誰親

送柳淳

前人

青山臨黃河下有長安道歲歲集作世上名利人相逢不知老

送范司空赴朔方

呂溫

築壇登上將膝席委前籌虜滅南侵趾集作朝分北顧憂抗旌廻廣漠撫劔動旄頭日集作見黃雲暮行看白草秋

山橫舊秦塞河遶古靈州戍集作善守如無事唯應獵騎遊

送段秀才歸澧州

前人

湘南孤白芷幽託在清潯豈有馨香發空勞知處深推賢路已隔賑乏力弗任暫我一言方負君千里心寸義薄聯

組片誠敵兼金惟期踐冰雪無使弱思侵

衡州送李兵曹赴湘東

前人

慷慨視別劍淒清泛離琴前程楚塞斷此別集作洞庭深

文字已久集作廢循良非所任期君碧雲上千里一揚音

道州送戴簡處士賀州謁侍郎

羸馬孤童鳥道微三千客散獨南歸山公念舊偏知我今

日因君泪滿衣

文苑英華卷第二百七十六

文苑英華卷第二百七十七

詩一百二十七

送行十二

劉禹錫二十七首

張籍二十五首

元稹四首

送令狐相公自僕射出鎮南陽梁 劉禹錫

夏木正陰成戎裝出帝京沾襟辭闕淚迴首別鄉情雲樹

褒中路風煙漢上城前旌轉谷去後騎踏橋聲久領鵷行

重無嫌虎節集作輕終常持一筆再入福蒼生以下二十七篇並見集本

奉送裴司徒令公自東都留守再命太原本封晉國公兩

任相去十六年

前人

星使出關東兵符賜上公山河歸舊國管籥換離宮行色

旌旗動軍聲鼓角雄愛棠餘故吏騎竹見新童漢疊三秋
靜胡沙萬里空其如天下望旦夕詠清風

早秋送臺院楊侍御歸朝

前人

仙署棣華春當時已絕倫今朝丹闕下更入白雲人重振
高陽族分居要路津一門科第足五府辟書頻鷲鳥得秋
氣法星懸火旻聖朝寰海靜所至不理輪

送陸侍御歸淮南使府五韻

用年字前人

江左重詩篇陸生名久傳鳳城來已熟羊酪不嫌羶歸路
芙蓉府離堂璫瑁筵秦山呈臘雪隋柳布新年魯忝揚州

薦因君達短牋

時段丞相鎮揚嘗辱表薦

送太常蕭博士棄官歸養赴東都

時元兄罷相為少師仲兄為郎

官並分司洛邑

前人

兄弟盡鴛鴦歸心切問安貪榮五綵服遂掛兩梁冠侍膳
曾調鼎循咳更握蘭從今別君後長向德星看

奉送家兄歸王屋山隱居

據道書王屋山一名洛陽山

前人

陽落天壇上依稀似玉京夜分先見日月靜忽聞笙
雲路將鷄犬丹臺有姓名古來成道者兄弟亦同行

送趙中丞自司直郎轉官叅山南令狐僕射幕府

趙氏兄弟皆僕射門客

前人

綠樹蒲葭斜西南蜀路賒驛門經赤縣

集作臨道道路集作

過黃花相府開油幕門生逐絳紗行看布政後還從入京

華

送河南皇甫少尹赴絳州

前人

祖帳臨周道前旌指晉城午橋群吏散亥宇老人迎詩酒
每同樂別離方見情從茲洛陽社吟詠欠書生

送王師魯協律赴湖南使幕

即永穆公之孫

前人

翩翩馬上郎驅傳渡三湘橘樹沙洲暗松膠酒肆香素風
傳竹帛高價騁琳琅楚水多蘭若何人事蹇芳

送浙江李相公重赴舊鎮加旌節 前人

江北萬人看玉節江南千騎引金鏡鳳從池上遊滄海鶴
到遼東識舊巢城下清波含百谷隴中遠岫列三茅碧鷄

白馬徊翔久却擁

集作憶

朱方

集作儻

是樂郊

奉送浙江李僕射赴鎮

前人

東行是舊遊歡聲喜氣蒲吳州郡人重得黃丞相
子爭迎郭細侯詔下初辭温室樹夢中先到景陽樓自憐
不識平津閣遙望旌旗汝水頭

送李尚書鎮滑州

自浙西觀察使拜兵部侍郎月余有此拜也

前人

南徐報政入文昌東郡頂才別建章視草名高同蜀客擁
旄年少勝荀郎黃河一曲東城下緹綺千重照路傍自古
相門還出相如今人望在巖廊

送渾大夫赴豐州

自大鴻臚拜家集作家丞舊勳

前人

鳳啣新詔降恩華又見旌旗出漢軍
家故吏來辭辛屈國精兵願逐李輕車
羶裘君長迎風懼錦領首豪踏雪衙
其柰明年好春日無人喚看牡丹花

送戶部李侍郎自河南尹再除本官歸闕 前人

昔年內史振雄詞今日東都結去思宮女猶傳洞蕭賦國
人先詠袞衣詩華星却復文昌位別鶴重歸太乙池想到
金門待稱籍一時驚喜見鳳儀

送河南尹馮學士赴任 前人

可憐玉馬風流地暫輟金貂侍從才閣上掩書劉向去門
前脩刺孔融來嶠陵路靜寒無雨洛下集作永橋長晝起雷

却集作共羨府中棠棣好先於城外百花開時公伯仲四人並以顯官居洛

士宗榮之

送李庚先輩赴選 前人

一家何啻十朱輪諸父雙飛秉大鈞曾脫素衣叅幕客却

為精舍讀書人離筵落水侵杯色征路函關向晚塵今日

山公舊賓主知君不負帝城春

送李二十九兄員外赴邠寧使幕 前人

家襲常平身業文素風清白至今貧南宮通籍新郎吏西

候從戎舊主人城外草黃秋有雪峰頭煙靜虜無塵鼎門

為別霜天晚剩把離觴三五巡

送唐舍人出鎮閬川 前人

暫辭鸚鵡鷺出蓬瀛忽擁貔貅鎮粵城閩嶺夏雲迎皂蓋遠

溪秋樹映紅旌山川遠地由來好富貴當年別有情了却

人間婚嫁事復歸朝右作公卿

送王司馬之陝州 前人

自太常丞授工為詩

暫綴清齋出太常空携詩卷赴甘棠府公既有朝中畫集作
舊司馬應容醉集作後狂按牘來時惟署事風煙入興便
成章兩京大道多遊客每遇詞人戰一場

洛中送楊處厚入關便遊蜀 前人

洛陽秋日正淒淒君去西秦便向西舊學三冬今轉富曾
傷六翮養初齊王城曉入窺丹鳳蜀路晴來見碧鷄早識
卧龍應有分不妨從此躡川梯

送周使君罷渝州歸郢州別墅 前人

君思郢上吟歸去故自渝南擲郡章野戍岸邊留畫舸綠
蘿陰下有山莊池荷雨後衣香老集作庭草春深綬帶長
只恐鳴騶催上道不容待得晚菘嘗

送蘄州李郎中赴任 前人

楚開蘄水路非賒東望雲山日夕佳薤葉照人呈夏簟松
花蒲椀試新茶樓中飲興集作因明月江上詩情為晚霞
北地交親長引領早將玄鬢到京華

洛中逢韓中丞之吳興 前人

今朝無意訴離杯何況清弦急筦催本欲醉中輕遠別不
知翻引酒悲來

送張輿集作輿赴舉輿即同年之子有序前人

爾生始懸孤我作座上賓引箸舉湯餅祝辭天麒麟今成
一丈夫坎珂愁風塵長裾來謁我自號廬山人道舊與撫
孤悄然傷我神依依見眉睫嘿嘿含悲辛永懷同年友追

想出谷晨三十二君子齊飛凌烟旻曲江一會時後今日已
凋淪况今三十載閱世難重陳盛時一已過來者日日新
不如搖落樹重有明年春火後見琮璜霜餘識松筠肅機
乃獨秀武抱亦絕倫爾今持我詩西見一重臣成賢必念
舊保節在安貧清時爲丞郎氣力侔陶鈞乞取斗升水因
之雲漢津

送常道冲秀才赴制舉

前人

驚禽一辭巢栖息無少安秋翁一離手流塵蔽霜紈故侶
不可追涼風日已寒遠逢杜陵士別盡平生歡逐客無印
綬楚江多芷蘭因君時暇遊長鋏不復彈閱書南軒霽纒
瑟清夜闌萬境身外寂一盃腹中寬伊昔玄宗朝冬鄉冠

鸞鸞肅穆升內殿從容頂高

集作領儒

冠游夏無措詞陽秋垂

不刊至今群玉府學者空縱觀世人希德門揭若攀峰巒

之子尚

集作向

明訓鏘如振琅玕一旦西上書班裳拂行

集作

征鞍荆臺宿暮雨漢水浮春瀾君門起天中多士如星攢
煙霞覆雙闕扞舞羅千官清漏滴銅壺仙厨下雕盤熒煌
仰金榜錯落飛濡翰古來長策人所嘆遭時難一鳴從此
始相望青雲端

送湘陽熊判官孺登府罷歸鍾陵因寄呈江西裴

中丞二十三兄

前人

射策志未就從事府云除篋留馬卿賦袖有劉弘書忽見
夏木深帳然億吾廬復持州民刺歸謁專城居君家誠易

知勝絕傾里問人言北郭生門有卿相與鍾陵藹千里帶

郭西江水朱檻照河宮旗亭綠雲裏前年初缺守慎簡由

宸袞臨軒弄郡章得人方付此是時左馮翊天下第一理

貴臣持牙璋優詔發青紙迎風奸集作行吏免先令疲人喜

何武劾衛儒陳蕃禮高士昔昇君子堂腰下綬猶黃中丞特為

萬年尉汾陰有寶氣赤華多奇銘東簡下曲臺佩鞬來歷陽

綺筵陪一笑蘭室襲餘芳集作蘭堂藁芳香風水忽異勢江湖遂

相忘因君忽集作儻借問為話老滄浪

送華陰張茗赴邕府使幕張即燕公之孫頃坐事除名前人

昔忝南宮郎往來東觀頻嘗披燕文傳聳若窺三辰翊聖

崇國本保賢正朝倫高視緬今古清風曼無隣蘭綺照通

衢一家十朱輪鄴國嗣侯絕薦鄉貴業貧夫子成集作大承

名少年振芳塵青袍仙掌下矯首陵煙旻公冶本非罪潘

郎一為民風霜苦搖落堅白無緇磷一旦逢良時天光燭

幽淪重為長裾客佐彼觀風臣分野窮禹畫人烟過虞巡

不言此行遠所樂相知新雨起巫山陽鳥鳴湘水濱離筵

出蒼莽別曲多怨辛今朝一杯酒明日千里人從此孤舟

去悠悠天海春

送鄭尚書出鎮南海

張籍

遠鎮承新命王程不假催班行爭路送恩賜集作併時來

牙旆從城展兵符到府開蠻聲集作流喧夜市海色潤朝集作

南臺殘角天邊月寒關嶺上梅共知公望重多是隔年廻

送嚴大夫之桂州

前人

旌旆過湘潭幽竒得遍探
莎城百越北行路九疑南有地
多生桂無時不養蠶聽歌疑似集作難辨曲風俗自相諳

送蠻客

借問炎州客天南幾日行
江連惡谿路山遶夜即城柳葉

瘴雲濕桂林蠻鳥驚集作桂叢鳥聲知君却廻日記得梅花名

送遠人

集作別北旅思

前人

日日望鄉國空歌白紵詞常集作長因送人處憶得別家時

失意還獨語多愁自不集作祗自知客亭門外柳折盡向南枝

送遠客

南原相送處秋草水邊生同作二集作憶鄉客今知集作如今分

路行因誰寄廻集作歸信漸遠向集作問前程明日重陽節無

人上古城

送海南客歸舊島

前人

海上歸集作去應遠蠻家雲島孤竹船來桂浦山集作市地賣

魚鬚入國自獻錦集作寶逢人多贈珠却廻集作歸春洞口斬

象祭天吳

送人往濟南

前人

黃綬在腰下知君非旅行將書報舊里留褐與諸生贈別

盡沽酒惜歡多出城春風濟水上候吏聽車聲

送越客

前人

見說孤帆去東南到會稽春雲剡溪口殘月鏡湖西水鶴

文苑英華

卷一百一十五

沙邊宿集作立山巖竹裏啼謝家曾住處烟洞入應迷

送韓集作評事歸華陰

前人

蓮花峰下住

集作三峯西面住

出見世人希白髮

集作老大

誰相識青

山

集作西惶

又獨歸拂牕秋菌落開篋蟄蛾飛若訪雲中伴還

應着褐衣

送南客

前人

行路雨脩脩青山盡海頭天涯人去遠嶺北水廻

集作南

流

夜市連銅柱巢居屬象州來時舊相識誰向日邊

集作南

遊

送朱慶餘及第歸越

前人

東南歸路遠幾日到鄉中有寺山皆遍無家水不通湖聲

蓮葉雨野色

集作氣

稻花風州縣知名久爭邀與客同

送從弟戴玄之蘇州

前人

楊柳閭門外

集作路

悠悠水岸斜乘船

集作舟

向山寺着袂

集作

履到入

集作漁

家夜月紅柑樹秋風白藕花江天詩境

集作景

好迴日莫令賒

送友人歸山

前人

出山成白首重去結茅廬移石脩廢井掃龕盛舊書開田

留杏樹分洞與僧居長在幽峰裏樵人見亦踈

集作初

送李評事遊越

前人

未習風塵事初爲吳越遊露沾湖草晚

集作濕

日照海山秋

梅市門何在蘭亭水尚流西陵待潮處知汝不勝愁

送李騎曹靈川歸覲

前人

翩翩出上京幾日到邊城漸覺風沙處還將弓箭行席箕
侵路暗野馬見人驚軍府知歸慶應教數騎迎

送裴相公赴鎮太原

前人

盛德雄名遠近知功高先乞守藩維
啣恩乍集作暫遣分龍

節署勅還同在鳳池天子親臨樓上送朝官齊出道傍集作

邊辭明年塞北諸藩守集作落應起生祠請立碑

送李司空赴鎮襄陽

前人

中外兼權社稷臣千官齊出拜行塵
并調公鼎勛庸盛三

受兵符寵命新商路豎開旌旆遠集作展楚堤梅筵驛亭春

襄陽風景由來好重與江山作主人

送南海鄭尚書

前人

聖朝選將持符節內制宣時百辟聽
海北蠻夷來蹈舞嶺

南封館送圖經白鷗飛遶迎官舫紅
槿開當宴客亭此處

莫言多瘴瀟天邊看取老人星

送侯判官赴廣州從事

集作軍

前人

年少才多求自展將身萬里赴軍門
辟書遠至集作到開呈

客公服新成着謝恩驛舫過江分白
候戍樓集作亭當嶺見

紅旛海花巒草連冬有行處無家不
蒲園

送楊少尹赴蒲城

前人

官為本府當身榮因得還鄉任野情
自廢田園今作主每

逢耆老不呼名舊遊寺裏僧應識
新別橋邊樹亦集作已成

公事多閑詩更好將誰相送集作逐上山行

送枝江劉明府

前人

老着青衫為楚宰平生志業有誰知家僮從去愁行遠縣吏迎來恠到遲定訪玉泉幽院宿應過碧澗早茶時向南漸漸雲山好一路遙聞唱竹枝

送浙東

集作西

周阮範判官

前人

由來身

集作自

是烟霞客早已聞名詩酒間天闕因將賀表

至江城應

集作家鄉新

着賜衣還常吟卷裏新

集作相

酬句自話

湖中

集作邊

舊住山吳越主人皆

集作遍

愛重多應不肯放君

閑

送友人盧處士遊吳越

前人

羨君東去見殘梅唯有王孫獨未回吳苑夕陽明古堞越

春草上高臺波生遠

一作野

水鴈初下風蒲驛樓潮欲來

試問

一作逐

漁舟看雪浪幾多江燕荇花開

送蜀客

前人

蜀客南行過碧溪木綿花發錦江西山橋日落人來

集作晚行

少時見猩猩上樹

一作樹上啼

送入蜀客

行盡青山見益州錦城樓下二江流杜家曾向此中住為

到浣花溪上

集作長

頭

送東川馬逢侍御使迴十韻

元稹

風水荆門濶文章蜀地豪眼青賓禮重眉白衆情高思湧曾吞筆投虛慣用刀詞鋒倚天劔學海駕雲濤南郡傳紗

帳東方讓錦袍旋吟新樂府便續古離騷雪岸猶封草春
江欲蒲槽餞筵君置醴隨俗我舖糟莫歎巴三峽休驚鬢
二毛流年等閑過人世各勞勞

送崔侍御之嶺南二十韻

前人

漢法戎施幕秦官郡置鹽蕭何歸舊印

自江陵曹拜

鮑永授新

街幣聘雖盈篋泥章未破緘蛛懸絲繚繞鵲報語詰誦再

礪神羊角重開憲簡函

崔君前任巴爲御史

鞶纓駉赴赴綏珮綉絲

絲音逸翮憐鳴翥離心覺刃剗聯遊虧片玉洞照失明鑒

遙想車登嶺那無浹蒲衫茅蒸連嶙氣衣漬度梅黓象闔

緣溪竹猿啼帶雨衫颺風狂浩浩韶石峻嶻嶻宿浦宜深

泊祈瀧在至誠瘴江期

集作乘

早渡毒草莫親艾試盡看銀

里耕腥貴食鹹菌須盡已露果重烏先鷗冰瑩懷貪水霜

清頭痛巖珠璣當盡擲惹艾詎能諉荆俗期王粲吾生問

季咸遠書多不達勤爲枉搯搯

送王協律遊杭越十韻

前人

去去莫悽悽餘杭接會稽松門天竹寺花洞若耶溪浣渚

逢新艷蘭亭識舊題山經秦帝望壘辨越王棲

一作吳

江樹

春當早城頭月易低鏡呈

作澄

湖面出

集作滯

雲疊海潮齊章

甫官人戴尊絲姹女提長竿

集作干

迎客鬧小市隔烟迷紙

亂紅藍壓甌凝碧玉泥荆南無底物來日爲儂携

送王十一南行

前人

夏水漾天末晚暘依岸村風調烏尾勁眷戀餘芳罇解袂

方瞬息征帆已翻翻江豚涌高浪楓樹搖去菟遠戍宗侶
泊暮烟洲渚昏離心詎幾許驟若移寒温此別信非久韻
爲坐憂煩我留石難轉君泛雲無根萬里湖南月三聲山
上猿從茲耿幽夢夜夜湘與沅

文苑英華卷第二百七十七

入苑英華卷第二百七十八

詩一百二十八

送行十三

白居易十二首

殷堯藩一首

姚合十二首

章孝標一首

施肩吾一首

袁不約一首

劉商六首

朱慶餘十首

賈島二十四首

洛下送牛相公出鎮淮南

白居易

北闕至東京風光十六程坐移丞相閣春入廣陵城紅旆
擁雙節白鬢無一莖萬人開路看百吏立班迎閭外君彌
重樽前我亦榮何須身自得將相是門生

送武士曹歸蜀士曹即武中丞兄 前人

花落鳥嚶嚶南歸稱野情月宜秦嶺過集作宿春好蜀川集作

江行江鄉集作路通雲棧郊扉近錦城烏臺陟岡老人集作送

羨別時榮

江西集作西河雨夜送客 前人

雲黑雨脩脩江昏水暗流有風催解纜無月伴登樓酒罷無多興帆開不少留唯看一點火遙認是行舟

送友人上峽赴東川辟命 前人

見說瞿唐峽斜橫集作灑瀨根難於尋鳥道險過上龍門

羊角風頭急桃花水色渾山迴若鰲轉舟入似鯨吞岸合

愁天斷波跳恐地翻憐君經此去為感主人恩

送令狐相公赴太原 前人

六纛雙旌萬鐵衣弁汾舊路滿光輝青衫書記何年去紅旆將軍昨日歸詩作馬蹏隨筆走獵酣鷹翅伴鮠飛北都莫作多時計再為蒼生入紫薇

送令狐尚書赴東都留守 前人

翠華黃屋未東巡碧落青嵩付大臣地稱高情多水竹山宜閑望少風塵龍門即擬為遊客金谷先憑作主人歌酒家家花處處莫空管領上陽春

送徐州高僕射赴鎮 前人

伏集作大紅旆引碧油集作旌新拜將軍指點行戰將易求

何足貴書生難得始堪榮離筵歌舞化叢散候騎刀鎗雪

隊迎應咲蹉跎白頭尹風塵唯管洛陽城

送蘄春李十九使君赴郡

前人

可憐官職好文詞五十專城未是遲曉日鏡前無白髮春
風門外有紅旗郡中何處堪携酒席上誰人解和詩唯共
交親開口咲知君不及洛陽時

送河南尹馮學士赴任

前人

石渠金谷中間路軒騎翩翩十日程清洛飲冰添苦節碧
嵩看雪助高情謾誇河北操旄鉞莫羨江南擁旆旌時新除二
鎮節何似府寮京令外別教三十六峯迎

送唐州崔使君侍親赴任

前人

連持使節歷專城獨賀崔侯最慶榮烏府一拋霜簡去朱

輪四從板輿行

即中從殿中連典四郡皆侍親赴任

發時正許沙鷗送到日

方乘

兼集作

竹馬迎唯慮郡齋賓友少一

兼集作

盃春酒共誰

傾

送陝州三司馬赴任

前人

陝州司馬去何如養病

兼集作

資貧兩有餘公事閑忙同少

尹俸錢多少散尚書只携美酒為行伴獨

兼集作

作新詩趁

下車自得

兼集作

鉄牛無詠者料君投刃必應虛

送客

前人

病上藍輿相送來衰容秋思兩悠悠哉涼風嫋嫋吹槐子却
請行人勸一杯

送客遊吳

殷堯藩

吳國水中央波濤白渺茫衣逢梅雨漬船入稻花香海戍
通鹽竈山村帶蜜房欲知蘇小小君試到錢塘

送別賈島

姚合

懶作歸鄉客集作佳山人官家有貨身書多筆集作漸重卧少

枕長新野客狂無過詩仙瘦始真秋風千里去誰與我相

親

送任畹及第歸蜀

前人

子規啼欲死君聽因無愁闕下聲名出鄉中意氣游東川

橫劍閣南斗近刀州神聖題橋集作字千人看不休

送饒州張使君

前人

鄱陽勝事聞難比千里連連是稻畦山寺去時通水路郡

圖開處是詩題化行應免農人困庭靜惟多野鶴栖飲罷

春朋門外別蕭條驛路夕陽低

送徐員外赴河中從事

赤府從軍美儒衣結束輕涼颺下山寺曉浪滿關城閑坐

生集作饒詩詩景高眠散酒醒集作長道情將軍呈集作不戰術計日

立功名

送巢縣裴明府

前人

見說為官處煙霞思不窮夜徠啼戶外瀑水落厨中名藥

人難識仙山路盡集作通還施清集作還淨化誰復與君

同

送王澹

前人

常看集作為官處門前數樹松尋山屐費齒書石筆無鋒
菓熟猿偷亂花繁鳥語重今來為客去借集作取最高峯

送王集作祕書遊魏川集作前人

太行山下路荆棘昨來平一自開元後至今通集作客行

地形吞北虜人事接東京掃灑塵埃集作靜遊從氣味生

薊門春不艷淇水暖還清看野風情遠綠花酒病成官閑

身自在詩逸語縱橫車馬迴應晚煙光滿去程

送陳彤之集作赴江寧從事 前人

荆州勝事眾家集作開幕下今朝又得君才子何須守集

籍科第男兒終久要功勳江村竹樹多於草山路塵埃半

是雲新什定知饒景思不應一向賦從軍

送源中丞使新羅

赤墀賜對使殊方官重霜臺紫綬光王節在船清海恠金

函開詔撫集作夷王雲晴漸覺山川異風便寧知道路長

誰得似君將雨露海東萬里灑扶桑

送張宗原

東門送客道春色如死灰一客失意行十客顏色迴文粹

住者既無家去者又非歸窮愁一成疾百藥不可治子賢

我且愚命分不合齊誰開蹇躓門日日同遊栖子行何所

切集作所切食與衣誰能買仁義令子無寒飢野田不生

草四向生路岐士人甚商賈終日須東西鴻鴈春北去秋

風復南飛勉君向前路無失相見期

送任畹評事赴沂海

前人

擲筆不作尉戎衣從嫖姚嚴冬入都門僕馬氣益豪沂州
右鎮雄士勇旌旗高洛東無憂虞半夜開虎牢丈夫貴功
勛不貴爵祿饒仰眠作書生衣食何由銷任生非常才臨
事膽不搖必當展長畫逆波斬鯨鼉九陌塵土黑話別立
遠郊孟堅勒燕然豈獨在漢朝

送李餘及第歸蜀

前人

蜀山高岧堯蜀客無平才日飲錦江水文章盈其懷十年
作貢賓九年多遭廻春來登高科升天得梯階手持冬集
書還家獻庭闈人生此為榮得如君者稀李白蜀道難蓋
為無成歸子今稱意行所歷安覺危與子久相從今朝忽
乖離風飄海中船會合難自期長安米價高伊我常渴饑
臨岐歌送子無聲但陳詞義交外不親利交內相違勉子
慎其道急若食與衣苦疑作熱道路亦疑作赤行人念前馳
一杯不可輕遠別方自茲

送饒州張蒙使君赴任

李孝標

饒陽因富得州名不獨農桑別有營日暖持集作提筐依茗
樹天陰把火入銀坑江寒魚動槍旗影山晚集作曉雲和鼓
角聲太守能詩兼愛靜西樓見月幾篇成

送人集作客南遊

施肩吾

見說南行集作遊偏不易中途莫忘寄書頻凌空瘴氣空飛
鳥解語山魃惱病人閩縣綠娥能引客泉州烏藥好集作可

防身異花奇竹分明看待汝歸來盡取真

送人至嶺南

袁不約

度嶺春風暖花多不識名瘴煙迷月色巴路傍溪聲畏藥
將銀試防蛟避水行知君憐酒興莫殺醉猩猩

送廬州賈使君拜命

劉商

考績朝稱貴時清武用文二天移外府三命佐元勳佩玉
兼高位攬金闕上軍威容冠是鐵圖畫閣名芸人詠甘棠
茂童謠竹馬群懸旌風肅肅卧轍淚紛紛特達恩難報昇
沉路易分侯羸不得從心逐信陵君

送林衮侍御東陽秩滿赴上都

前人

幾年烏府內何處逐鳧歸關吏迷驄馬銅鍾累繡衣野人

山草綠客路柳花飛况復長安遠音書從此稀

送楊閑侍御拜命赴上都

前人

賀客移星使絲綸出紫薇手中霜作簡身上綉爲衣駉馬
朝天疾臺鳥向日飛親逢皆避路不是送人稀

送李元規昆季赴舉

見誦甘泉賦心期折桂歸鳳雛皆五色鴻漸又雙飛別思
看衰柳秋風動客衣明朝問禮處暫覺鴈行稀

送人之江東

前人

含香仍佩玉宜入鏡中行畫室隨乘興冊舟不計程渡江
霖雨霽對月夜潮生莫慮當炎暑稽山水木清

滑州送人先歸

前人

河水冰消鴈北飛，寒衣未足春衣自憐漂。蕩經年客送，別千迴獨未歸。

送壁州劉使君

朱慶餘

王府登朝後，巴香典郡新。江分入峽路，山見採鞭人。舊業孤城夢，生祠幾處身。知君素清儉，料得却來貧。

送盛隨軍

前人

莫辭東路遠，此別豈閑行。職處中軍要，官兼上佐榮。野亭嵐色暗，秋水藕花明。拜省期將近，孤舟促去程。

送常校書赴靈州幕

前人

共知行處樂，猶惜此時分。職已為書記，官曾校典墳。寒城初落葉，高樹晚集作遠生雲。邊事何須問，深謀祇在君。

送崔秀才遊江陵

樽前荆楚客，雲外思榮迴。秦野春已盡，商山花正開。鷗鷺驚帆乍起，江見雨初來。自有歸期在，蟬聲處處催。

送淮陰丁明府

前人

之官未入境，已有愛民心。遣吏迴中路，停船集作車對遠林。鳥聲淮浪靜，雨色集作氣稻苗深。暇日公門掩，惟應伴客吟。

送常繇校書赴浙東幕

前人

丞相辟書新，秋關獨去人。官離芸閣早，名占甲科頻。水驛迎船火，山城候吏塵。湖邊寄家去，到日倍榮親。

送饒州張使君

前人

白頭為郡清，秋別山水南。仁集作只覺賒楚老，已應思入

境吳門從此去移家館依高領分樟葉路出重江見蓓花
務退惟當吟咏苦留心曾不在天集作涯

送郡州林使君

前人

軒車此去也逢時地屬湘南頗入詩一月計程那是遠中
年出守未為遲水邊花氣薰章服嶺上嵐光濕畫旗想得
化行風土變州人應為立生祠

送劉思復南河從軍

前人

七千里別寧無恨且貴從軍樂事多不駐節旄先候發偶
逢山寺亦難過蠻人猶放畚田火海獸群遊落日波遠作
受恩身不易莫拋書劍近笙歌

送浙東周巡集作官

前人

從事滄江外誰謂無官已白頭來備戎裝嘶數騎
持丹詔入孤舟蟬鳴驛樹集作遠驛殘陽遠集作樹鷺起潮田夕
集作片雨秋到日重陪丞相宴鏡湖新月在城樓

送殷侍御赴同州

賈島

馮翊滿西邵沙岡擁地形中條全離岳清渭半和涇夜久
眠明月秋新集作深至洞庭由來交臂者集作辟士事事集作別偃
林高

送皇甫侍御

前人

曉鍾催早朝獨自赴嘉招舟泊襄江闊田收楚澤遙鴈驚
起衰草猿渴下寒條來使黔南日時應問寂寥

送陳判官赴天德

前人

將軍邀入幕束帶便離家身煖蕉衣窄天寒磧日斜火燒
岡斷草風捲雪蘇沙絲竹豐州有春來秬欠花

送唐壞歸敷水莊

前人

毛女峰當戶日高頭未梳地侵山影掃葉帶露痕書曰松逕
僧尋藥沙泉鶴見魚一川人境別集作風景好恨不有吾廬

送裴校書

拜官從祕省署職在藩維多故長踈索高秋遠別離天寒
泗上醉夜靜岳陽暮使府臨南海帆飛到不遲

送杜秀才東遊

前人

東遊誰足待畫室寄長安別夜葉頻落登途集作去程山已寒
大河風色渡曠野燒烟殘匣有青銅鏡時將照鬢看

送人南歸

前人

分手向天涯迢迢泛海波雖然南地遠見說北人多山暖
花常發秋深鴈不過炎方饒勝事此去莫蹉跎

送人南遊

前人

此別天涯遠孤舟泛海中夜行常認火帆去每因風蠻國
人多富炎方語不同鴈飛難度嶺書信若為通

送鄒明甫遊靈武

前人

曾宰西畿縣三年馬不肥債多憑劍與官滿載書歸邊雪
藏行逕林風透卧衣靈州聽曉角客館未開扉

送朱可久歸越中

前人

石頭城下泊北固暝鍾初汀鷺潮衝起船窓月過處吳山

侵越衆隋柳入塘踈日欲躬調膳辟來何府書

送崔定

前人

未知遊子意何不避炎蒸幾日到漢水新蟬鳴杜陵秋江
待得月夜話集作恨無僧巴峽吟過否連天十二層

送姚杭州

白雲峰下城日夕白雲生人釣魚江老集作人老田侵海
樹耕吳山鍾入越蓮葉吹搖旌詩異石門思濤來閣上集

向飛迎

送黃和新歸安南

前人

池亭沉飲偏非獨曲江花地遠路穿海春歸冬到家火山
難下雪瘴土不生茶知決秋集作來計相逢期尚賒

送田卓入華山

前人

幽深是暮蟬驚覺石床眠瀑布五千仞草堂瀑布邊檀松
涓滴露嶽月沉寥天鶴過君須看上頭應有仙

送人適越

前人

高城滿夕陽何事欲沾裳遷客蓬蒿暮遊人道路長晴湖
勝鏡碧寒柳似金黃若有相思夢般動載八行

送饒州張使君

前人

終南雲雨連城闕去路西江白浪頭滁上郡齋離昨日鄱
陽農事勸今秋道心生向前朝寺文思來因靜夜樓借問
泊帆干謁者誰人曾聽峽猿愁

送陝府王建司馬

前人

司馬雖然聽曉鍾尚猶高枕恣踈慵請詩僧過三門水賣
藥人歸五老峰移舫綠萍深處息登樓涼夜此時逢杜陵
惆悵臨相餞未寢月前多履集作展蹤

送羅少府歸牛渚

作尉長安三月罷

集作三月

忽思牛渚夢天台楚山遠色獨歸

去灞水空流相送廻霜覆鶴身松子落月分螢影石房開

白雲多處應頻到寒澗冷冷濺

集作漱

古苔

送沈秀才下第東歸

前人

曲言惡者誰悅耳如彈絲直言好者誰刺耳如長錐沈生
才俊秀心腸無邪欺君子忌苟合擇交如求師毀出嫉夫
口騰人禮部闈下第子不恥遺才人耻之東歸家堂遠棹

纒時參差浙雲近吳見汴柳接楚垂明年春光別廻首不
復疑

送周判官元範赴越

前人

原下相逢便別離蟬鳴關路使回時過淮漸有懸帆興到
越應將墜葉期城上秋山生菊早驛西寒渡落潮遲已曾
幾徧隨旌旆去謁荒郊集作涼大禹祠

送陳商

前人

古道長荆棘新岐路交橫君於荒榛中尋得古轍行足踏
聖人路貌端禪士形我曾接夜談似聽講一經聯翻魯數
舉昨登高第名釜底絕烟火曉行皇帝京上客遠府遊主
人湏月明青雲別青山何日復同升

送張校書季霞

前人

從京去容州馬在船上多容州幾千里直傍青天涯掌記
試校書未稱高詞華義枉不可屈出家如入家城市七月
初熱與夏未差餞君到野地秋涼滿山波南境異北候風
起無塵沙秦吟宿楚澤海酒落桂花暫醉即還醒彼土生
桂茶

送汲鵬

前人

淮南卧理後復逢君姓汲文采非尋常志願期卓立深江
東泛舟夕陽眺原隰夏夜言詩會徃徃追不及

送集文上人遊方

前人

來從道路井去求溪邊會分首芳草時遠意青天外此遊

讀幾嶽嵩華衡恒泰

文苑英華卷第二百七十九

詩一百二十九

送行十四

厲玄二首

劉三復一首

釋無可十七首

劉得仁十五首

于武陵二首

周賀十三首

温庭筠十二首

紀唐夫一首

李群玉二首

張祐九首

陳陶四首

送顧非熊及第歸茅山

厲玄

故山登第去不似舊歸難
帆卷江初夜梅生洞少寒
採薇留客飲折竹掃仙壇
名在議曹籍何人肯掛冠

送黃曄明府岳州湘陰赴任

前人

恩霑譴雪幾人同
歸宰湘陰六月中
商嶺馬嘶殘暑兩
席帆高掛早秋風
貢名頻向書闈失
飛檄曾傳朔漠空
西省尚嗟君宦遠
水雞啼處莫聽鴻

同前

劉三復

擬占名場第一科
龍門十上困風波
三年護塞從戎遠
萬里投荒失意多
花縣到時銅墨貴
葉舟行處水雲和
遙知布惠蘇民後
應向祠堂弔汨羅

送姚中丞赴陝州

釋無可

三陝周分地恩除
左掖臣門闌開幕
重捨甲下天新夾
道行霜騎迎風滿
草人河流銀漢水
城賽鐵牛神意氣
思高

謝依遠許上陳何妨向紅旆白與白雲親

送李使君赴瓊州兼五州招討使

前人

分竹雄兼使南方
到海行臨門雙旆
引隔嶺五舟迎猿
鶴同枝宿蘭蕉夾
道生雲垂前騎失
山豁去帆輕雨露
蒸秋岸潮濤震夜
城政閑開迥閣歌
枕島風清

送呂郎中赴海州

前人

出守滄州去西風
送旆旌路遙經集作過幾郡地
盡到孤城拜廟千
山綠登集作開樓遍海晴何人
共東望月向積濤生

夏日送田中丞赴蔡州

前人

出守海南城應多
戀闕情地遙人久
望風起旆初行楚
廟繁蟬斷淮田細
雨生賞心知有處
蔣宅古津平

送薛重中丞克大原副使

前人

中書華省外集作出

副相晉陽行書答偏州啓籌叅上將

營踏沙寒馬細收集作吹

雨曉笳清正報胡塵滅桃花汾水

生

送靈武李侍御

前人

靈州天一涯幕客似還家地得江南壤程分磧裏沙鹽調

上味貢集作禁盞

調上味

麥穗集作貢

結秋花前席因籌畫清吟寒

日斜

冬夜姚侍御宅送李廓少府

前人

王事圭峰下將還禁漏餘偶歡新歲近惜別後期疎雪罷

見來吏川昏聊整車獨吟多暇日應寄栢臺書

送喻鳧及八弟歸陽羨

前人

姓字戴科名無過子最榮宗中初及第江上覲難兄月向

波濤沒茶連洞壑生石橋高思在且為看東坑

送人罷舉東遊

前人

東堂今已負復此遠行難兼雨風聲過連天草色乾鴻嘶

荒壘閉兵燒川廣寒若向龍門宿懸知拭淚看

送姚明府赴招義縣

前人

濠梁古縣城結束赴王程道路携家去波濤隔月行車臨

芳草下吏踏落花迎暮郭山遙在春洲鳥不驚風煙樵國

遠桑柘楚田平何似書能化長淮澈海清

送阮江宋明府即開府景之孫 前人

初開從事日鄂渚動芳菲一遂鈞衡薦今為長史歸人臨
沅水望鴈映楚山飛唯有傳聲政家風重發輝

送宜春裴明府是將軍旻之孫 前人

垂白方為縣徒集作從知大父雄山春南去棹楚夜北飛鴻

疊嶂和雲滅孤城與嶺通誰知持惠化一境動清風

送李少府之臨邛

邛南方作尉調補一何早發論唯公幹承家乃帝枝山長

風裊棧江蔭石和澗舊井王孫宅過尋獨有期

送王集作姚明府之任安福

落絮滿衣裳携琴問水鄉掛帆南入楚到縣半浮湘吏散

翠禽下庭閑班竹長人安知遠泛沙上薰蘭芳

夏日送集作崔秀才

兩方山水地念子為貧遊縱是逢佳境那能緩旅愁夕陽

行遠道煩暑在孤舟莫向巴江過猿聲蹙淚流

送杜司馬再遊蜀中 前人

為客應非願愁成欲別時還遊蜀國去不惜杜陵期劍水

啼猿在關林轉棧遲日光低峽口雨勢出娥眉川迥遲集作

逢山迥殘角山集作開識遠夷勿令雙鬢髮併向錦城衰

送薛秀才遊河中兼投任郎中留後 前人

詩古賦縱橫令人畏後生駕言遊禹跡知已在蒲城月集作

日射雲烟散風吹草木榮孤吟臨寇境莫欲請長纓

送鄂州崔大夫赴鎮 前人

廉問帝難人朝廷輟重臣入山初有雪登路正無塵去國
鳴騶緩經雲住旆頻千峰與萬木親聽兩情新

送錢給事赴魏州

前人

帝心憂魏俗暫輟掖集作垣臣疲瘵初承制鄉閭似得春
化成應有瑞位重轉聞貧用作鹽梅日爭迴卧轍人

送雍陶侍御赴兗州裴尚書命

前人

綸閣知孤直翻論北巷賢且縻蓮府集作裏會致玉塔前
洙泗秋微動龜蒙月正圓元戎軍務息清句待君聯

送姚合郎中任杭州

前人

水陸中分程看花一月行會稽山隔浪天竺樹連城候吏
齋魚印迎船載旆旌渡江春始半嶼嶼草初生

送新羅人歸本國

鷄林隔巨浸一往一年行日近國先曙風吹海不平眼穿
鄉井樹頭白渺瀰程到彼星霜換集作唐家語却生

送靈武朱書記

前人

靈師與誰善得君賓幕中從容應盡禮贊畫致元集作功
連虜雲長慘纒秋樹半空相如偏自愜掌記復乘驄

早春送湘潭李少府之任

前人

柳新春水湄春岸草離離祖席酒忽盡集作行人淚
自垂業文傳不父集作作尉豈多時公退琴堂上風吹集

來班竹枝

送越客歸

霜薄東南地江楓落未齊衆山秋楚上孤棹宿吳西渚客
留僧語檻猿失子啼到家冬即是荷盡若耶溪

送河池李明府之任

前人

河池安所理種柳與彈琴自合清時化仍資白首吟程餘
行片月公退入遙林想得除民瘼長施父母心

送車壽

集作
備

罷舉歸山

前人

朝是暮還非人情冷暖移浮生只如此強進欲何為要路
知無援深山必遇師憐君明厥集作此理休去不遲疑

送蔡京侍御赴大梁幕

集作
碑

前人

同城各多故會面亦稀踈及道須相別臨岐恨有餘梁園
飛楚鳥汴水走淮魚衆說裁軍檄陳琳遠不如

送王書記歸邠州

陳琳輕一別上馬意超然來日行煩暑歸時早聽蟬陰雲
翳城郭細雨紊山川從事公劉地元戎舊禮賢

送謝觀之劍南從事

前人

迢遞從知己他人敢更言離京雖未臘到府已應暄飛急
奔行鴈啼酸憶子猿江山無限思君擬共誰論

送周鉞往江夏

前人

東西南北郡自說遍曾遊人世終多故集作欲皇都不少留

郢城帆過夜漢水月

集作漢
月水

方秋此謁親知去

集作後

聞猿

空有

集作
豈解愁

送顧非熊作尉盱眙

前人

一名兼一耐未足是君伸歷數為詩者多來作諫臣路翻
平楚鳥草帶古淮薪天下雖云大同人有幾人

送客東歸

前人

一聽遊子歌秋計覺蹉跎四海少平路百川無定波共驚
年已暮俱向客中多又駕征輪去東歸將若何

送鄴縣董明府之任

前人

南北行已久憐君知苦辛萬家同草木三載返陽春東道
聽遊子夷門歌主人空持語相送應怪不沾巾

送唐紹歸建業

周賀

南朝秋色滿君去思如何帝業空城在民田壞塚多月圓
臺獨上栗綻寺頻過籬下西江闊相思見白波

送客

見二百六十一卷

送陸判官防秋

前人

疋馬無窮地三年逐大軍筭程淮色一作淮色遠起帳夕陽曛

瀑水行時漱邊笳語次聞要傳詩一作書禮去應到磧西一作

東雲

送從兄南遊

前人

山水疊層層吾兄涉復集作又登掛帆春背鴈尋磬夜逢僧

雪溜懸衡岳集作晶色江雲蓋秣陵評文來集作末不妄此說是

中興

長安送鄉人

前人

上國多離別年年渭水濱空將未歸意欲說向行人雨度

池塘草山連井邑春臨岐惜分手日暮一沾巾

送揚嶽歸巴陵

前人

何處得鄉信告行當雨天人離京口日潮入集作送岳陽船

孤鳥背林一作秋色遠帆開浦煙悲君唯此別不肯話廻年

送張洎疑之陸州

前人

遙憶新安舊扁舟往復還淺深看水石來往逐雲山到縣
餘花在過門五柳閑東征隨子去俱隱薜蘿間

送省已上人歸大原

前人

惜別聽邊漏窓燈落盡重寒僧回絕塞夕雪下窮冬出馬
聞殘角休兵見壞鋒何年更來此老却倚塔松

送朱慶餘

對客行無定全家在浦東寄眠僧閣靜贈別橐金空舊里
千山隔歸舟百計同藥資如有分相約老吳中

送友人

彈琴多去情浮槎背潮行人望豐壩宿蟲依蠹木鳴樞烟
連浦色蘆雨入船聲如疾登雲路憑君寄此生

送石協律歸吳

前人

僧窓夢後憶歸耕水涉應多半月程幕府罷來無藥價沙
中戴去有山情夜隨靜渚離蛩語早過寒潮背井行已讓
辟書稱抱疾滄洲便許白髭生

送韓評事

前人

門枕平集作重湖秋景好水雲松色遠相依罷官餘俸租田

種送客廻船載石歸離岸遊魚逢浪退望巢寒鳥逆風飛

嵩陽舊業集作多特別閑月行吟入翠微

送郭秀才歸金陵

前人

夏後客堂黃業多又懷家國起悲歌酒前欲別語難盡雲
際相思心若何鳥下獨山秋寺磬人隨大舸晚江波南除
舊業幾時到門掩殘陽積翠蘿

送人遊淮海

温廷筠

背檣燈色暗宿客夢初成半夜竹窓雨滿池荷葉聲簟涼
秋閣思木落故山情明發又愁起桂花溪水清

送渤海王子歸本國

前人

疆理雖重海車書本一家盛勳歸舊國佳句在中華定界

分秋漲開帆到曙霞九門風月好回首是天涯

送人東遊

前人

荒戍落黃葉浩然離故關高風漢陽渡初日卸門山江上
幾人在天涯孤棹還何當重相見樽酒慰離顏

送洛南尉之官

集作李
士儻

前人

想君秦塞外因見遠集作應
見楚山清榭葉曉迷路枳花春滿

庭祿優仍侍膳官散得專經余亦還愚谷歸心在翠屏

送北陽表明府

前人

楚鄉千里路君去及良晨葦浦迎船火茶山侯吏塵桑濃
蚕卧晚麥秀雉聲春莫作東籬興青雲有故人

送李生歸舊居

一從征戰後故社幾人歸
薄宦離山久高談與世稀
夕陽當板檻春日入柴扉
莫却嚴灘意西溪有釣磯

送淮陰縣令

前人

隋堤楊柳烟孤棹正悠然
蕭寺通淮戍蕪城枕楚田
魚鹽橋上市燈火雨中船
故老青葭岸先知宓子賢

早春澆水送友人

前人

青門烟野外渡澆送行人
鴨卧溪沙暖鳩鳴社樹春
殘波青有石幽草綠無塵
楊柳東風裏相看淚滿巾

送襄州李中丞赴從事

前人

漢庭文彩有相如天子通宵愛子虛
把釣看碁高興盡焚香起草宦情疎
楚山重疊當歸路溪月分明到直廬
江雨蕭蕭帆一片此行誰道爲鱸魚

送崔判官

集作即中

赴幕

前人

一別黔南

集作巫

似斷弦故交東去更潜然

集作悽然

心遊目斷

集作送

三千里雨散雲飛二十年發跡豈勞天上桂
屬詞還

得幕中蓮相思莫

集作林

道長安遠江月隨人處處圓

西江上送漁父

前人

却逐嚴光向若耶釣綸菱棹寄年華
三秋梅雨愁楓葉一夜蓬舟宿葦花
不見水雲應有夢偶隨烟鳥便成家
白蘋風起樓船暮江燕雙雙正雨斜

送李憶東歸

六言

前人

黃山遠隔秦樹紫禁斜通渭城別路
青青柳弱前溪漠漠

文苑英華 卷一百一十五
苔生和風澹蕩歸客落日殷勤早鶯灞上金樽未飲讌歌
已有餘聲

送温庭筠尉方城

紀唐夫

何事明時泣玉頻長安不見杏園春鳳凰詔下雖沾命鸚
鵡才高却累身但飲綠醪消積恨莫辭黃綬拂行塵方城
若比長沙遠猶有千山與萬津

送陶少府赴選

李群玉

陶公官興本蕭疎長傍青山碧水居久向三茅窮藝術仍
傳五柳舊琴書跡同飛鳥栖高樹心似閑雲在大虛自是
寫洪求藥價不關梅福戀簪裾

送于少監自廣州還紫邏

前人

鳴臯山水似麻源謝監東還憶舊集作園海嶠烟霞輪集作
輕逸翰洛川花木待廻軒宦情薄去詩千首世事閑來酒
一樽明日途中見顏范始應通籍入金門

送王昌涉侍御

張佑

十里指東平軍前首出征諸侯青服舊御史紫衣榮入陣
梟心死分集作衡圍虎力生畫時安楚塞刻集作日下齊城
號令朝移幕偷蹤夜斫營雲梯曾險上地道慣深行舉旆
招降將投戈趨敗兵自慙居虜者當此立功名

送劉崇德尉睦州建德縣

前人

一命前途遠雙曹公邑閑夜潮人到郭春霧鳥啼山淺瀨
橫沙堰高崑峻石斑不堪曾倚棹猶復夢昇攀

送蘇紹之歸嶺南

前人

孤舟越客吟萬里曠離襟集作夜月江流闊春風嶺路深

珠繁楊氏果翠耀孔家禽無復天南夢相思空樹林

送常正字

集作貫

赴制科

前人

可愛漢文年鴻恩蕩海壖木鷄方備德金馬正求賢大戰

希遊刃長途在著鞭佇聞晁董策偏集作便向使中傳

送楊秀才遊蜀

前人

鄂渚逢遊客瞿唐上去船峽深明月夜江淨集作靜碧雲天

舊俗巴歛舞離情集作新聲蜀國絃不堪揮慘恨一涕自潸然

送沈下賢謫尉南康

前人

秋風江上草先是客心催萬里故人去一行新鴈來山高

雲緒斷浦迥月波瀾莫恠南康遠相思不可裁

送徐彥夫南遷

前人

萬里客南遷孤城漲海邊瘴雲秋不斷陰火夜長然月上

行處市風迴望舶船知君還自繫更為酌貪泉

送常整尉長沙

前人

遠遠長沙去憐君利一官風帆彭蠡疾雲水洞庭寬木客

提蔬束江鳥接飯九莫言卑濕地未必乏新歡

送李長史歸涪州

前人

涪江江上客歲晚却還鄉暮過高唐雨秋經巫峽霜急灘

船失次疊嶂樹無行好為題新什知君思不常

南海送常七使君赴象州任

陳陶

一鶚常公子新恩領郡符
島夷通荔浦龍節過蒼梧
地理金城近天涯
玉樹孤聖朝朱綬貴
從此展雄圖

送沈次魯南遊

前人

高臺贈君別滿握軒轅風
落日一揮手金鵝雲雨空
菴洲石梁外劔浦羅浮東
茲興不可接脩脩煙際鴻

送江西周尚書赴滑臺

前人

楚謠櫺袴整三千
喉舌新恩下九天
天角雄都分節鉞
蛟龍舊國罷樓船
崑河已在兵鈴內
棠樹空留鶴嶺前
多病無因酬一顧
鄢陵千騎去翩翩

閩中送任畹端公還京

前人

燕臺上下一作榻王爲人
月桂曾輸次第去
幾日酬恩座
炎璋九秋高
駕拂星辰漢庭鳳
進鷓行喜隋國珠
還水府食多少嘉謀奏風俗
斗牛孤劔在平津

文苑英華卷第二百七十一

文苑英華卷第二百八十八

詩一百八十八

送行十五

方干二十一首

李洞十一首

杜牧七首

許渾二十八首

雍陶四首

送姚合員外赴金州

方干

受詔從華省開旗發帝州野烟新驛曙殘照古山秋樹勢連巴沒江聲入楚流唯應化行後吟句上閑樓

以下二十一篇並見集本

送江陰霍明府之任

前人

遙遙去舸新浸郭葦兼蘋樹列巢灘鶴鄉多釣浦人虹分

陽羨雨浪隔廣陵春知竟三年袂琴書外是貧

送人之日本

前人

蒼茫大荒外風教即難知連夜揚帆去經年到岸遲波濤

吞集作左界星斗正東夷集作定東維集作定或有歸風便當為相見

期

別喻鳧先輩

前人

知心似古人歲久分彌親離別波濤闊留連槐柳新武陵

閑集作墓貫酒漁浦夜垂綸若集作自集作此星居後音書豈厭

類

送相里燭

前人

相逢未作期此逆欲集作相送定集作相何之不得長年少那堪遠別

離泛湖乘月早踐雪過山遲求望多時立翻如在夢思

送從兄常部

前人

道路本無限更集作又集作應何處逢流年莫虛擲華髮不相容

野渡波搖月寒集作空集作城雨翳鍾此心隨去馬迢迢過千峯

送許渾集作温集作

壯歲分彌切髻年心正集作即集作同當聞千里去難遣一樽空

翳燭蒹葭兩吹帆橘柚風明年見親族冬集作盡集作集在懷中

寄朱特

前人

登車誤相遠談笑亦何因路入瀟湘樹書隨巴蜀人歛衣

寒犯雪傾篋病看春莫貴集作負集作髻年去集作志集作清朝有獻臣

送趙明府還北

前人

故林終不在，劍鶴在扁舟。盡室無餘俸，還家得白頭。鍾催吳岫晚，月照渭河流。曾是棲安邑，恩期異日酬。

送鄭端公

前人

聖主佇知宣室事，豈容才子滯長沙。隋珠此去方酬德，趙

璧前時悞指瑕。驄馬將離江浦月，繡衣却照錦林集作禁中花。

應憐寂寞滄洲客，霄壤集作煙漢塵泥相去賒。

送睦州侯即中赴闕

前人

昔者政聲聞國外，今留儒術化江東。青雲舊路歸仙掖，白

雪新詞入聖聰。絃管未知銀燭曉，旌旗已待錦帆風。郡人

誰集作難識酬恩德，徧在三年禮遇中。

送永嘉王明府之任二首

前人

定擬孜孜化海邊，須判素髮悔流年。波濤不應三集作雙淺

水分野長如二月天，浮客若容開荻地。釣翁應免稅笞田

前賢未必全堪學，莫讀當時歸去篇。

二

雖展縣圖如到縣，王程猶入縉雲東。山間閣道盤花集作巖

底海界孤村集作峯，在浪中禮法未聞離漢制。土宜多說似

吳風，字人若用非常術，唯要旬時便立功。

送婺州許錄事

前人

之官便是還鄉路，白日堂堂著錦衣。八詠遺風資逸興，二

溪寒色助清威。曙星沒盡提綱去，暝角吹殘鎖印歸。笑我

中年更愚癡，醉醒多在釣魚磯。

送錢特卿赴職天台

前人

路入仙溪氣象清，垂鞭樹石罅中行。
霧昏不見西陵岸，風急先聞瀑布聲。
山下縣寮張樂送，海邊津吏棹舟迎。
詩家弟子無多少，唯只於余別有情。

送杭州李員外

前人

政成何必集作用，滿三年上界群仙待謫仙。
便赴新恩歸紫禁，還從舊路上青天。
笙歌愁集作怨，咽當離席更漏丁。
東在

畫船正殿集作必恐，駐班留立位前程。
一步集作前是爐烟

送孫百篇遊天台

前人

東南去路落斜行，入樹穿村見赤城。
遠近常聞集作時，皆藥氣高低無處不。
泉聲映巖月集作日，向牀頭沒濕燭雲從杜

底生更有仙花與靈草集作鳥，恐君多半不集作未知名

送人宰永泰

前人

此人雖泛南流水，稱意南行莫恨賒。
道路先經毛竹嶺，風烟已集作漸

近刺桐花，舟停漁浦猶為客。縣入樵溪似到家

下馬政聲集作成，王事少應容閩吏。日高衙

送晉陵王少府赴選集作舉

前人

相看不忍盡離觴，五兩牽風速去檣。
遠驛新砧應弄月初，程殘角未吹霜。
越山直下分吳苑，淮水橫流入楚鄉。
瓊重邾家好兄弟，明年祿位在何方

送李集作陳，秀才將遊霄上便議北歸

前人

婆娑戀酒山花盡，繚繞還家水路通。
轉檝擬投集作從，青草

岸吹帆猶是白蘋風淮邊欲暝軍聲急洛下光寒苑樹空
詩句因余更孤峭書題不合忘江東

送吳彥融赴舉

前人

用心精至自無疑千萬人中似爾集作汝稀上國纔將五字

去全家便望集作待一枝歸西陵柳路搖鞭盡北固潮程挂

席飛想見明年榜前事當時分散著來衣

送曹郎中棄官南歸集作南中用軍李洞

桂水清和天南歸似謫仙繫條輕象笏買布接蠻舡海氣

蒸輦軟江風擘疑作劈箭偏罷郎吟亂里帝遠豈知贖

龍州送鄭郎中兼寄昌明鄭侍御 前人

待車登水障經亂集鷓原省壤蘭飄葉臺空栢有根縣清

江入峽樓靜雪連村莫隱匡山社機雲受晉恩

送盧郎中赴金州 前人

雲明漆嶺高刺郡輟仙曹危棧窺猿頂公庭掃鶴毛出軍

明壁罅話道白眉毫遠集歌謠客舟前泊幾艘

冬日送涼州刺史 前人

龍餞西門外雙旌出漢陵未辭金殿日已夢雪山燈地遠

終峯盡天寒朔氣凝新年行已到舊典聽難勝吏掃盤鷗

影人遞散馬乘移軍駝馱角下塞掾河水獵近崑崙獸吟

招磧石僧重輪右藏實方見左車能兵聚邊風急城寬夜

月澄連營烟火嶺望詔幾迴登

送知己赴任華州 前人

東門罷相郡北拜重京華落月開宵印初燈見早麻雞身
紅旆拂仙掌白雲遮塞色侵三縣河聲聒兩衙松根醒客
酒蓮葉隱僧家一道帆飛直中筵嶽影斜書銘尋雪石澄
鼎露金沙鎖合眠闕史盃空啄廟鴉分臺話嵩洛賽兩拜
烟霞樹谷期招隱吟詩煮栢茶

送東宮賈正字遊蜀

前人

南朝馱晉史蜀地瞰巴樓長棧懷宮館踈峯露劍州半空
飛雪化一道白雲流若次江邊邑宗詩為遍搜

送知己赴濮州

前人

中路行僧謁郵亭話海濤劍劍搖林狃落旗閃岳禽高苔長
空州嶽花開夢省曹濮陽流政化一半布一作風騷

送人遊天台

前人

行李一條籐雲邊曉扣冰丹經如不謬白髮若為能淺井
山集作人鏡明珠海客燈乃知真隱者笑就漢庭徵

送福州從事

前人

嶺前齊鳥飛兩過荔枝肥南斗看應近北人來甚稀湖浮
廉使宴珠照島僧歸幕下聞遷拜何官著茜衣

龍州送友人赴舉

前人

獻策赴招携行宮積翠迷集作挈囊秋卷重轉棧晚峯齊
踏月候朝見拂雲看省題飛鳴肯迴顧獨鶴困江泥

送友罷舉赴邊職

出剡篇章入雒文無人細讀嘆俱焚莫辭秉笏隨紅旆便

好携家住白雲過水象浮蠻境見隔江猿叫漢州聞高談
闊畧陳從事盟誓邊庭壯我軍

送容州唐中丞赴鎮

杜牧

交趾同星座龍泉佩斗文燒香翠羽帳看舞鬱金裙鷓首
衝龍浪岸渠拂嶺雲莫教銅住北長

集作空

說馬將軍

池州春日送前進士荆希逸

前人

芳草復芳草斷腸還斷腸自然堪下淚何必更殘陽楚岸
千萬里燕鴻三兩行有家歸未得况舉別君觴

送劉秀才歸江陵

前人

綵服鮮華覲渚宮鱸魚新熟別江東劉郎浦夜侵航月宋
玉亭春蒲

集作弄

袖風落落精神將有立飄飄才思杳無窮

誰人世上爲金口借取明時一薦雄

送國碁王逢

前人

王子紋揪一路饒最宜簷雨竹蕭蕭羸形暗去春泉長猛
勢橫來野火燒守道還如周柱史鏖兵不羨霍嫖姚浮生
一集得年七十更萬日與爾期於局上銷

宣州送裴坦判官往舒州時收欲赴官歸京

日暖泥融雪半銷人行芳草馬聲驕九華山路雲遮岫

集作寺青清

弋江村柳拂橋君意如鴻高的我心懸旆正

搖搖同來不得同歸去故國逢春一寂寥

送李群玉赴舉

前人

故人別來面如雪一榻拂雲秋影中玉白化紅三百首五

陵誰唱與春風

送人

又云
寫言

前人

鴛鴦綉被

集作
帳裏

暖芙蓉遙想關山萬里重

集作低泣關
山幾萬里明

鏡半邊釵一股人

集作
此

生何處不相逢

送客江行

許潭

蕭蕭蘆花卸客獨辭家遠棹依山響危檣轉浦斜水寒

澄淺石潮落漲虛沙莫與征徒望鄉園去漸賒

送前緞氏常明府南遊

前人

酒闌橫劍歌日暮望關河道直去官早家貧為客多山昏

昏谷兩水落洞庭波莫盡遠遊興故園荒薜蘿

送客歸荆

集作
楚

一樽酒

集作無
一盃酒

平昔

集作
昔日

與君深秋色換歸鬢

光生別心桂花山廟冷楓樹水亭

集作
樓

陰此路千餘里應

勞楚客吟

送客歸南

集作
蘭溪

前人

花下送君處

集作
歸路

路長應過秋暮隨江鳥宿寒共嶺猿愁

衆水喧巖

集作
岩

瀨群峯抱戍

集作
沈

樓因君幾南望曾向此

中遊

筭山津送客歸峽中

前人

津停多別離楊柳半無枝住接猿啼處行逢鴈過時江帆

望風急

集作江
風

山月下樓遲此夕歸城郭不眠人詎知

集作還就西齋
宿烟波勞憂思

宋李公自淮楚之南昌

集作送前南
陸李少府

前人

高人亦未閑來往楚雲間劍在心應壯書窮鬢已班落帆
秋水寺驅馬夕陽山明日南昌慰空芳齊又掩關

送客

集作懷江
南同志

前人

南國去

集作別

經年雲暗波接天蒲深鷓鴣戲花暖鷓鴣眠

竹暗湘妃廟楓陰楚客舡唯應洞庭月萬里共嬋娟

集作娟

送從兄別駕歸蜀州

并序

前人

從兄彥昭與桂陽令常伯達貞元年中俱為千牛伯達官
至王府長史長慶中非罪受譴前年會赦復故秩詔未及
而已身歿從兄自蜀而南發旅櫬歸塋塗上旣而西還因
成十韻贈別

關與湘南令童年侍玉墀家留秦塞曲官謫瘴溪湄道直
姦臣屏寃深聖主知逝川東去疾霈澤北來遲青漢龍髯
去蒼山馬鬣移風棲聞笛處日慘罷琴時客路黃公廟鄉
關白帝祠已稱鸚鵡賦寧誦鶴鴒詩遠道書難達長亭酒
重集作莫持當憑蜀江水萬里寄相思

送從兄歸隱藍溪

前人

名高猶素衣

一作氣高
聲不達

窮巷掩荆扉漸老故人少久貧豪

客稀塞雲橫劍望山月抱琴歸幾日藍溪醉藤花拂釣磯

一作莫遣藍溪
路青苔蒲鈞磯

送人歸吳興

前人

綠水棹雲月洞庭歸路長春橋懸酒幔夜柵集茶檣巖影

集作沉溪暖蘋花遶郭香應逢柳太守為說遇瀟湘

送友人罷舉歸東海 前人

滄海天塹外何島是新羅
舶主辭番遠碁僧入漢多
海風吹白鶻沙日曬紅螺
此去知投筆須求利劍磨

送鄭秀才東歸憑達家書 前人

欲寄家書客未過
閉門心遠洞庭波
四隣花落清集作兩

夜風急一逕荒秋集作草雨多愁泛楚江吟
浩渺憶歸

吳岫夢嵯峨貧居不問應
知處溪上閑舡繫綠蘿

送盧先輩自衡嶽歸集作復州嘉禮 前人

名振金閨步玉京
暫留滄海見高情
衆花盛集作處松千

尺群鳥喧時鶴一聲
朱閣簾涼初集作雨過碧溪舡動早

潮生離心不異西江水
直送歸集作帆萬里行

送前東陽于明府由鄂渚歸故林 前人

結束征車換黑貂
灞西風雨正瀟瀟
茂陵久病書千卷
彭

澤先集作歸酒一瓢帆帶集作夕陽湓水闊
棹經秋月集

滄海鮑山遙殷勤為謝南溪侶集作白首螢窓未見招

送陸拾遺東歸 前人

獨振儒風遇盛時
紫泥初降世人知
封章報主非無意
書劍還家自有期
秋寺卧雲移棹曉
暮江乘月落帆遲
東歸自是緣清興
莫比南山詠紫芝

送友人浙西任宰集作送上元 前人

莫言名重懶驅雞
六代江山碧海西
日照蕪葭明楚塞
烟

分楊柳暗集作隋堤荒城樹繞集作沉書浦舊宅村集作

連罨畫溪官滿定應集作歸未得九重霄漢有丹梯

呈王總下第歸丹陽 前人

秦橋一作西望楚天涯集作繫馬春風酒一卮汴水月明

東下疾練塘花發北來一作歸遲青山虛戀集作安貧計白

髮集作應催獻賦時一作為寄家書報消息集作憑寄家

舊鄉集作還有故人知

南樓送餞李明府歸姑蘇集作將歸姑蘇南集作前人

無處登樓不繫情一憑集作春酒醉高城漸移羅綺見山

色纔駐筦弦聞水聲花落西亭添別夢柳陰南浦促歸程

前期迢遞今宵短更倚朱欄待月明

送薛洪南遊訪山習業 前人

姑蘇城外月初凋同上江樓更寂寥繞壁舊書塵漠漠隔

窓寒竹雨蕭蕭憐君別路隨秋鴈盡我離觴任晚潮從此

草玄應有處白雲青草一相招

送客自兩河歸江南集作西河送集作江南集作前人

兩河度集作西河陳事已堪傷南客秋歸路更長臺畔右集作

松悲魏帝苑邊脩竹弔梁王山行露變茱萸色水宿風披

集作菡萏香遙羨落帆逢舊友綠娥青鬢醉橫堂集作

送鄭秀才叔姪會送楊秀才昆仲東歸 前人

書劍功遲白髮新異鄉仍送故鄉人阮公留我集作竹林

晚集作田氏到家荆樹春雪盡塞鴻南翥少風來胡馬北

文苑英華 卷一百一十五
新頰洞庭烟月如終老誰是長楊諫獵人兩人字疑有誤

送杜秀才歸桂林集作往桂州

桂州南去與誰同處處山連水自通兩岸曉霞集作晚烟千里
草半帆斜日一江風瘴雨欲來楓樹黑火雲初起荔枝紅
愁君路遠銷年月莫滯三湘五嶺中

送嶺南盧判官罷職歸華陰山居前人

曾事劉琨鴈塞空十年書劍似一作任飄蓬東堂舊屈一作

移山志南國新留煮海功還掛一帆青草上更開二徑碧
蓮中關西親友如相問已許滄浪伴釣翁

送武處士歸章洪山居

形影無群消息沉登聞集作門三繫疑血沾襟皇綱一日開

冤氣青史十年重壯心却望烏臺春樹老獨歸蝸舍暮雲

深他時縱有徵書去雪滿空集作重山不可尋

吳門送振武李從事前人

晚促離筵醉玉缸伊川一曲淚雙雙欲移刀筆從新幕更
宿烟霞別舊窓胡馬近秋侵紫塞吳帆乘月下清江嫫姚
若許傳書檄坐築三城看受降

送人之任邛州前人

綠髮監州丹府歸還家樂事我先知群童竹馬交迎日二
老蘭觴初見時黃卷新書芸委積青山舊路菊離披亭衢
自有橫飛勢便到西垣視訓辭

與韓鄭二秀才同舟東下洛中親朋集作友送至景

雲寺

前人

三十六峯同集作一川綠坡無路草芊芊牛羊晚食鋪平

地鷓鴣晴飛磨遠天洛客盡回臨水寺楚人皆逐下江舡

東西未有相逢日更競集作把把繁花共醉眠

凌獻臺送常秀才

前人

雲起高臺日未沉數村殘照半巖蘿一作陰野蠶成繭桑柘

盡山集作鳥引雛蒲稗深帆勢依依投極浦鍾聲杳杳隔

前林故山迢遞故人去一夜月明千里心

送徐使君赴岳州

雍陶

渺渺楚江上風旗搖去舟馬歸雲夢晚猿叫洞庭秋別思

滿南渡鄉心生北樓巴陵山水郡應集作偏偏稱謝公遊

送裴璋還蜀因亦懷歸

前人

客在劍門外新年音信稀自為千里別已送幾人歸陌上

月初集作落馬前花正飛離言殊未盡春雨滿集作濕行衣

送前鄆縣李少府

前人

近出圭峯下還期又不賒身閑多宿寺官滿未移家罷釣

臨秋水開樽對月華集作向向自當蓬集作臺閣選豈得卧集

戀烟霞

送宜春裴明府之任

前人

南行春已滿路半水茫然楚望花當渡湘陰月集作橘滿川

山橫湖色上帆出鳥行前此任無辭遠親人貴用還

文苑英華卷第二百八十一終

文苑英華卷第二百八十一

詩一百三十二

送行十六

喻鳧六首

李商隱一首

薛逢七首

姚鵠四首

項斯四首

趙嘏十四首

馬戴六首

顧非熊六首

薛能九首

送武毅之邠寧

喻鳧

戍路少人蹤邊烟澹復濃詩寧寫別恨酒不止離容驚拂

沙河柳鴉高石窟鍾悠哉一遐集作阻山疊虜雲重

以下六篇並見集本

送賈島往金州謁姚員外

前人

山光與水色獨往此中深溪瀝椒花氣巖盤漆葉陰瀟湘
終共去巫峽羨先尋幾夕江樓月玄暉伴靜吟

送友人罷舉歸蜀

前人

憔悴滿衣風光豈屬身賣琴紅粟貴看鏡白髭新棧畔
誰高步巴邊自問津淒然集作恹恹莫滴血杜宇正哀春

送衛尉之延陵

前人

草木正花時交親觸雨辭一官之任遠盡室出城遲乳滴
茅君洞鴉鳴集作啼季子祠想知佐理暇日有詠懷詩

送越州高錄事

前人

官曹權紀綱行李半舟航浦淑潮來廣川源鳥去長笥成

橫岸蓮發鏡湖香澤國還之任鱸魚浪得嘗

送潘咸

前人

時時齋破囊訪我息閑坊煮雪問茶味當風看鴈行心齋
山鹿逸句敵柳花狂堅苦今如此前程豈渺茫

別薛巖賓

李商隱

曙爽行將拂晨清坐欲凌別離真不那風物正相仍漫水
清集作任誰照衰花淺自矜還將兩袖淚同向一窓燈桂樹

乖真隱芸香是小懲清規無以况且用玉壺冰

送西川梁常侍之新築龍山城并錫賚兩州刺史

及部落酋長等

薛逢

聖主憂夷貊屯師剪束欽

浪吉一
名東欽

皇家思眷祐星使忽登

臨用命期開國遠天必釁礎化湏均草樹恩不間飛沉束
馬凌蒼壁捫蘿上碧岑瘴川風自熱劔閣氣長陰迅瀨從
天急喬松入地深仰觀唯一逕俯瞰即千尋水作新城帶
山爲故壘襟東開洞君聽南關納蠻心渥澤濡三部謂三
落衣冠化雨林帶文雕白玉符理篆黃金鳥道經印焚星
纏過觜參迴軒如一作睿獎休作苦辛吟

送西川杜司空赴鎮

前人

黑眉玄髮尚依然紫綬金章五十年三入鳳池操國柄八
分龍節付兵權東周城闕中天外西蜀樓臺落日邊莫遣
洪鑪曠真宰九流人物待陶甄

送司徒相公赴闕

前人

承相銜恩赴闕時錦城寒菊始離披龍媒舊識朝天路鷄
樹長虛入夢枝十載殿庭連步武兩來庸蜀撫疲羸莫愁
中土無人識自有明明聖主知

送封尚書節制興元

前人

大封茅土鎮褒中醉出都門殺氣雄陌上晚花迎虎節馬
前新月學彎弓珂臨響澗聲先合旆到春山色更紅欲識
真心報天子滿旗全是發生風

送靈州田尚書

前人

陰風獵獵滿旗竿白草颼颼劔氣攢九姓羗渾隨漢節六
州蕃落從戎鞍霜中入塞凋弓硬月下翻營玉帳寒今日
路傍誰不指穰苴門戶慣登壇

座中走筆送前蕭使君

前人

笙歌慘慘咽離筵
槐柳陰陰五月天
未學蘇秦榮佩印
却思平子賦歸田
芙蓉欲綻溪邊臉
楊柳初迷渡口烟
自笑無成今老大
送君隨淚郭門前

重送徐州李從事商隱

前人

曉乘征騎帶犀渠
醉別都門慘袂初
蓮府望高秦御史
柳營官重漢尚書
斬蛇澤畔人烟曉
戲馬臺前樹影疎
尺組掛身何用說
古來名利盡丘墟

送人歸吳

姚鵠

東吳與上國
萬里路迢迢
集作爲別晨昏久全輕水陸遙
湘陰島上寺
楚色月中潮
到此一長歎
集作知君積恨銷

以下四篇並見集本

送石貫

集作賈

歸湖州

前人

同志幸同年
高堂君獨還
齊榮恩未報
共隱事應閑
訪寺

臨湖岸

集作上

開樓見海山
洛中推二陸
莫久戀鄉關

送劉耕歸舒州

前人

四座莫紛紛
須臾岐路分
自從同得意
誰不惜離群
舊國連青海
歸程在白雲
棄繻當日路
應競看終軍

送黃頗歸袁州

前人

莫倦連朝在
醉鄉孔門多
戀惜分行文
章聲價從來重
霄漢途程此去長
何處聽猿臨萬壑
幾宵因月滯三湘
鑪峯若上應相憶
不得同過惠遠房

送殷中丞遊邊

項斯

話別無長夜停燈聞曙鴉已行難避雪何處合逢花隴寺
門多閉羌樓酒不賒還須問邊將誰擬靜塵沙

送顧逢尉永康

前人

作尉猶年少無辭去路賒漁舟縣前泊山吏日高衙夏景
臨溪寺秋聲織紵家行程須過越應醉鏡一作湖花

送歐陽袞歸閩

前人

秦城幾年住猶著故鄉衣失意時曾識成名後獨歸海秋
蠻樹黑嶺夜瘴禽飛為學心難滿知君更掩扉

送苗七求職

前人

相逢不得三迴笑風送離情入剪刀客路最能銷日月夢

魂空自怕波濤獨眠秋寺琴聲急心遠拜城隍劍氣高去去
緣多山與海鶴身寧不為飛勞

送令狐郎中赴郢州

趙嘏

佐幕才多始拜侯一門清貴動神州霜蹄曉駐秦雲斷野
旆晴翻郢樹秋幾處塵生隨侯騎半江帆盡見分流大馮

罷相吟詩地莫惜頻登白雪樓

曉駐集作晚駐

送張文新除温州

前人

東晉江山稱未嘉莫辭紅旆向天涯凝絃夜醉松亭月歇
馬曉尋溪寺花地與剡川分水石境將蓬島共烟霞却愁
明詔徵非晚不得秋來見海槎集作乘秋見海槎共烟霞共集作接

送滕邁郎中赴睦州

前人

郡齊秋盡一江橫
頰命郎官地更清
星月去隨新詔動
旌旗遙映故山明
詩尋片石依依晚
帆掛孤雲杳杳輕
想到釣臺逢竹馬
只應歌詠伴猿聲

送蕭俛相公歸山

前人

眼前軒冕是鴻毛
天上人情謾自勞
晚却朝衣便東去
青雲不及白雲高

送王龜拾遺謝官後歸漣水山居

前人

水邊殘雪照亭臺
臺上風襟向雪開
還似當時姓丁鶴
羽毛成後一歸來

送剡客

前人

兩重江外片帆斜
數里林塘遶一家
門掩右軍餘水石
路

橫諸謝舊烟霞
扁舟幾處逢溪雪
長笛何人怨思一作柳花

若到一作到日天台洞陽觀
葛洪舟井在雲涯集作舟窻在雲涯

送盧緘歸揚州

集作盧緘

前人

曾向雷塘寄掩扉
荀家燈火有餘輝
關河日暮望空極
楊柳渡頭人獨歸
隋苑荒臺風裊裊
灞陵殘雨夢依依
今年春色還相悞
爲我江邊謝釣磯

獨歸集作未歸

李先輩擢第東歸有贈送

前人

金榜前頭無是非
平人分得一枝歸
正憐日煖雲飄路
何處宴迴風滿衣
門掩長淮心更遠
渡連芳草馬如飛
茂陵自笑猶多病
空有書齋在翠微

送李裴評事

集本無李字

前人

寒垣從事識兵機，只擬平戎不擬歸。
入夜笳聲含白髮，報秋榆葉落征衣。
城臨戰壘黃雲晚，馬渡寒沙夕照微。
此別不應書斷絕，滿天霜雪有鴻飛。

此別集作別後

送同年鄭祥先輩歸漢志用公鎮山南 前人

年來驚喜兩心知，高處同攀次第枝。
人倚繡屏閑賞夜，馬嘶花徑醉歸時。

聲名本自文章得，行滿閩曾勞筆硯。
隨家去恩門四千里，只應從此夢旌旗。

藩閩集作藩潤

送沈單作尉江都 前人

煬帝都城春水邊，笙歌夜上木蘭船。
三千宮女自塗地，十萬人家如洞天。

焰焰花枝官舍照，重重花影寺墻連。
少年

伴尉須矜慎，莫向樓前墜馬鞭。

送李蘊赴鄭州因獻盧郎中又玄集作中丞 前人

僕射陂西想到時，滿川晴色見旌旗。
馬融閑卧笛聲遠，王粲醉吟樓影移。

幾日賦詩秋水寺，經年草詔白雲司。
唯君此去人多羨，却是恩深自不知。

到時集作別時 草詔集作起草

送韓絳歸淮南寄韓綽先輩 前人

島上花枝繫釣船，隋家宮畔水連天。
江帆白落鳥飛外，月

觀靜依春色，邊門巷草生車徹。
在朝廷恩及鴈，行聯相逢

且問昭州事，曾鼓莊盆對逝川。
且問昭州事集作莫問揚州事

送薛耽先輩歸謁漢南 前人

雲繞千峯驛路長，謝家聯句待檀郎。
手持碧落新攀桂，月

在東軒舊選牀幾日旌幢延駿馬到時水玉動華堂孔門
多少風流處不遣頰田識醉鄉

送田使君出蔡州

馬戴

主意思政理牧人官不輕樹多淮右地山遠汝南城望稼
殷田隔登樓楚月生懸知蔣亭下渚鶴伴閑行

送呂郎中牧東海郡

前人

假道經淮泗檣鳥逐準旗蕪城沙蒺接波島石林踈海鶴
公庭下夷人遠岸居山鄉足遺老佇聽薦賢書

送人遊蜀

前人

別離楊柳陌迢遞蜀門行君聽清猿後應多白髮生虹霓
侵棧道雨雪雜江聲過盡愁人處烟雲是錦城

送狄參軍赴杭州

前人

新官非次受聖主寵前勳烈關雪發車晚風濤挂席聞海門
山疊翠湖岸郡藏雲執簡從公後髯參豈勝君

送從弟

一作叔

赴南幕

前人

洞庭秋色起哀狔更難聞身住海邊郡帆懸天際雲炎州
羅翠鳥瘴嶺控蠻軍消息來非易堪悲此路分

雪中送青州薛評事

前人

臘景不可犯從戎難自由憐君急王事走馬赴邊州嶽雪
明日觀海雲冒營丘慙無斗酒瀉敢望御重裘

送杭州姚員外

顧非熊

浙江江上郡楊柳到時春塹起背城鴈帆分向海人嶠雲

侵寺吐汀月隔樓新靜裡更何事還應詠白蘋

送朴處士歸新羅

前人

少年離本國今去已成翁客夢孤舟裡鄉山積水東鰲沉崩巨岸龍闔出遙空學得中華語將歸誰與同

送馬戴入華山

前人

古木亂重重何人識去蹤斜陽收萬壑圓月上三峰雲裏泉縈石窓間鳥下松唯應採藥客時向此相逢

送喻鳧春歸江南

前人

去年登第客今日早春歸鷲影離秦馬蓮香入楚衣里閭爭慶賀親戚盡光輝唯我門前渚苔應滿釣磯

送友人及第歸蘇州

前人

見君先得意希我命還通不道才堪並多絲蹇共同鶴鳴荒苑內魚躍夜潮中若問家山路叨連震澤東

送皇甫司錄赴黔南幕

前人

黔南從事客禄利先来饒官受外臺屈家移一舸遙夜猿聲不斷寒木葉微凋遠別因多感新即倍寂寥

送浙東集作西王大夫

薛能

天爵擅忠貞皇恩復寵榮遠源過晉史甲族本緱笙亞相兼尤美周行歷盡清制除天近曉衙謝草初生賓客招閑

地戎裝擁上京九街集作衢鳴玉勒一宅照紅旌細雨當離

席遙花顯去程佩刀畿甸色歌吹館橋聲驟裏從秦賜餘

艤到汴迎步沙逢霽月宿岸致嚴更渤澥流東鄙天台壓

屬城衆談稱重鎮公意念疲毗井邑曾多難瘡痍此未平
察應均賦歛迺必復桑耕隼重權兼帥蠹雄設有兵越毫
隨厚俸剡唾得尤名近相傳似持熟紙名唾以二南夜蠟
獵州中宴春風部外行香奩荷鳳詔朱篆動一作龍坑
報後功何患投虛論素精徵還直指掌感激自關集作情
舊業懷昏作微班負旦評空餘騷雅事千古傲劉楨以下

並見
集本

送李殷遊京西

前人

立馬送君地黥然愁到身萬途皆有匠六義獨無人莫恠
敢言集作此已能甘世貧時來貴亦在事是掩何因投刺
皆羈旅遊邊更苦辛岐山終蜀境涇水覆蠻塵理沒煨燼

瘴炎蒸

集作
涼

醉莫頰俗徒欺合得吾道死終新展分先

許論詩未共親歸京稍作意充斥犯西隣

長安送友人之黔疑作南

前人

衡嶽猶云過君家獨幾千心從賤遊話分向禁城偏陸路
終何處三湘在素船琴書去迢迢星路照潺湲臺鏡簪秋
晚盤蔬飯兩天同文到鄉盡殊國共行連後會應多日歸
程自一年貧交未無忘孤進合相憐

送胡澳下第歸蒲津

前人

無媒甘下

集作

飛君子尚麻衣歲月榮終在家園近且歸

山光臨舜廟河氣隔王畿甚積湯原思青青宿麥肥

湯原
故地

送馬戴書記之太原

前人

文苑英華 卷一百一十五
十一
一曲大河聲全家幾日行從容長約夜差互忽離城鎮北
湖沙淺途中霍嶽橫相於莫已泛詩句負雄名

送進士許棠下第東歸

前人

長安那不住西笑又東行苦似貧無計因何事有成雲峰
天外出江色草中明謾忝相知分吾言世甚輕

送劉駕歸京

前人

相逢聽一吟惟我不降心在世憂何事前生得至音蒲多
南去遠汾盡北遊深爲宿關亭日蒼蒼曉欲臨

送李滇出塞

見二百九十九卷

前人

送李涪巡官歸東樂舊居

前人

羨君歸處

集作去

五峯前往往星河實見仙麥隴夏枯成廢

地棗枝秋赤近高天山泉飲犢流多變村酒經蠶味可憐
曾託道門終却住步虛聲裡寄閑眠

文苑英華卷第一百八十一

送行十七

詩一百三十一

劉駕三首

章碣一首

李頻十三首

許棠七首

皮日休二首

鄭谷十三首

聶夷中一首

杜荀鶴三首

楊夔三首

喻坦之四首

周繇六首

送友人登第歸東

黃滔四首

劉駕

劉駕

同家楚天涯相識秦雲西古來懸孤義豈顧子與妻携手
踐名場正遇公道開君昇我雖黜感恩同所懷有馬不復

羸有奴不復飢灞岸槐花落却是出關時青門一瓢空分
手去遲遲期君轍未平我事繼東歸

送李殷遊京西

前人

十年夢相識一覩俄見別征駕在我傍草草意難說君居
洞庭日詩句滿魏闕如何萬里來青桂看人折行裝不及
備西去偶成决一作孟夏出都門紅塵客衣熱荒城見羊
馬野館具薇蕨邊塞漸無虞依宿常待月西園置酒地日
夕簪裾列壯志安可留樽前槐花發

送人登第東歸

前人

學古既到古反求鑒者難見詩未識君疑生建安前海畔
豈無家終難成故山得失雖由命世途多險艱我皇追古
文柄付大賢此時如為君果在甲科間晚達多早貴舉
世咸為然一夕顏却少雖病心且安所居似清明冷竈起
新烟高情懶行樂花盛僕馬前歸程不淹留指期到田園
香醪四鄰熟霜橘千株繁肯憶長安夜論詩風雪寒

送許侍御歸潤州

李頻

家山近石頭遂意在東浮祖席離烏府歸帆轉蜃樓陰霞
出海散落日向潮流別有為霖日孤雲未自由

送人歸滄洲

前人

風色又西轉坐為千里分高帆背楚落寒日逆潮曛斷燒
緣喬木盤鵬隱片雲鄉園有戰地歸去始休軍

送人南歸

前人

行行野雪薄寒氣日通春故園入芳草滄江終白身遊歸
花落滿睡起鳥啼新不得無來札空令借問人

送人遊浙西

前人

楚天雪開後草色與君看積水浮春氣深山滯夜寒毗陵
孤月出建業一鍾殘為把鄉書去因收別淚難

送人往太原

前人

并州非故國所去又何思獫狁方為寇嫫姚正用師戍煙
來有號邊雪下無時更想經綿上應逢禁火期

送人歸新定

前人

歸心常共知歸路不相隨彼此無依倚東西又別離山花
含雨亞江樹逆一作潮歌莫戀漁樵興人生各有期

送孫明秀才往潘州訪

詩選常卿

前人

北鳥飛不到北人誰詩選去遊天涯浮瘴水嶺外問潘州
草木春冬茂猿猱日夜愁定知遷客淚唯詩選敢對君流

送人往太原

前人

離亭聊把酒此路徹邊頭草白鴈初下時清人去遊汾河
流晉地塞雪滿并州別後相思夜遙看北斗愁

初下

集作遙看

集作空有

送人遊淮南

詩選揚州

前人

一別長安後晨征更信鷄河聲入峽急地勢出關低綠樹
叢塚下青蕪澗楚西路長知不惡隨處得詩選好詩題

送九江狄明府

前人

字人脩祖德清白定聞傳匹馬離秦去孤帆入楚懸關中
寒食兩湖上暑衣天四考兼重攝相和疑作住幾年

送人赴湖南

前人

關門鳥道中飛轉

疑作傳

復乘驄暮雪離秦甸春雲入楚宮

平蕪天共濶積水地多空使府懸帆待能銷幾日風

送友人東歸

前人

白社思歸處青門見去人鄉連茂苑樹路入廣陵塵海日
潮浮曉湖山雪帶春猶期來帝里未得是閑身

漢上送人西歸

前人

此日看行意令人動遠心野銜天去盡山夾漢來深疊浪
翻殘雪高帆引片陰唯應留別句畢我白頭吟

送章岫郎中典泗州

章碣

玉皇恩詔別星班去歷徐方分野問有鳥盡巢垂汴柳無
樓不對隔淮山旌旗漸向行時擁案牘應從到日閑想憶
朝天獨吟坐旋飛新作過秦關

送令狐補闕歸朝

皮日休

文如日月氣如虹舉國重生正始風且願仲山居左掖只
憂徐邈入南宮朝衣正在天香裏諫草應焚禁漏中爲說
明年今日事晉廷新拜黑頭公

送從弟皮崇歸復州

前人

羨爾優游正少年竟陵風

集作烟

月似吳天車螯近岸無勞

詩選取舫艦隨風不費牽處處路旁千頃稻家家門外一

渠蓮殷勤莫笑襄陽住爲愛南溪縮項鱸

送裴拾遺赴畿令

許棠

受謫因迂諫茲一作東行不出關直廬辭王陞上馬向仙山

地古桑麻廣城偏僕御閑懸齋高枕卧應夢犯天顏

送王侍御越城令

前人

戴豸忽驅鷄東南上句溪路過金谷盡帆轉石城西水樹

連天暗山禽遶縣啼江人諳舊化那復俟招携

送李頻之南陵主簿

前人

赴縣是還鄉途程豈覺長聽鶯離灞岸盪漿入陵陽野蕨

生公署閑雲拂印牀晴天調膳外垂釣有池塘

李員外和楊州留後

前人

帝命分留後東南向楚天幾程迴送騎中路上迎船省到

關山鑄民分酌海煎青雲名素重此去豈經年

送龍州樊使君

前人

曾見邛人說龍州地未深碧溪飛白鳥紅旆映青林土產

唯宜藥王租只貢金政成閑宴日誰伴使君吟

送從弟歸泉州

前人

問省歸南服懸帆任北風何山猶見雪半路已無鴻瘴雜

春雲重星垂海夜空往來如不住亦是一年中

送前汝州李侍御罷宣城

前人

吟詩早得名戴豸又加榮下國閑歸去他人少此情雲移

寒嶠出燒夾夜江明重引池塘思還登謝朓城

送友人歸江南

聶夷中

皇州五更鼓月落西南維此時有行客別我孤舟歸上國
身無主下第誠可悲

送徐澳端公南歸

鄭谷

青衿離白社朱紱始言歸此去多應羨初心盡不違江帆
和日落越鳥近鄉飛一路春風裡楊花雪滿衣

送祠部曹郎中鄴出守洋州

前人

為儒欣出守上路亦戎裝舊制詩多諷分憂俗必康開懷
江稻熟寄信露橙香郡閣青吟夜寒星識望郎

送水部張郎中彥回之宰洛陽

前人

何遜蘭休握陶潛柳正垂官清真塞詔事簡好吟詩春漏

懷丹闕涼船泛碧伊已虛西閣位朝夕鳳書追

送吏部曹郎中鄴免官南歸

前人

高名向已求古韻古無儔風月拋蘭省江山向桂一作州

賢人知止足中歲便歸休雲鶴深相待公卿不易留滿朝

張祖席半路上仙舟篋重藏吳畫茶新換越甌郡迎紅燭

宴寺宿翠風流觸目成幽興全家是勝遊蓬聲漁叟兩蒿

色鷺鷥秋久別郊園改將歸里巷修桑麻勝祿食節序免

鄉愁陽朔花迎棹崇賢葉滿溝即中崇賢里有幽居席春歡促膝簷

日暖扶集作挽頭道暢應為蝶集作虎時來必問牛終須康庶

品未爽漱寒流議在歸群望情難戀自由小生誠淺拙早

歲便依投夏課每垂獎雪天常見憂遠招陪宿直首薦向

公侯攀送偏揮灑龍鍾志未醜

送進士盧棻東歸

前人

灞岸草淒淒離觴我獨携流年俱老大失意又東西曉楚山雲滿春吳木樹低到家梅雨歇猶有子規啼

送人之九江謁邵侯苗員外

前人

澤國尋知己南浮不偶遊溢城分楚塞廬嶽對江州曉飯

一作臨孤嶼春帆入亂流雙旌相望處月白庾公樓

送進士許彬

前人

泗上未休兵壺關事可驚流年催我老遠道念君行殘雪臨晴水寒梅發故城何當食新稻歲稔又時平

送太學顏時明經及第東歸

前人

平楚干戈後田園失耦耕艱難登第一喪一作亂省諸兒

樹沒春江漲人繁野渡晴閑來思學館猶夢雪窓明

送京叅翁先輩歸閩中

前人

解印東歸去人情此際多名高五七字道勝兩重科宿館明寒燭吟船兀夜波家山春更好越鳥在庭柯

送沈集作田光

前人

九陌低迷誰問我五湖流浪可悲君著書笑破蘇司業賦詠思齊鄭廣文理棹好携三百首阻風須飲幾千分未陽

江口春山綠慟哭應尋杜甫墳

送進士葦序赴舉

前人

丹霞照上三清路瑞錦裁成五色毫波浪不能隨集作傾世

熊鸞鳳應得入吾曹秋山晚水吟晴遠雪竹風松醉格高
預想明年騰躍處龍津春碧浸仙桃

送進士吳延保及第後南遊

前人

得意却思尋舊跡新衙未得上蘭臺吟看秋草出關去逢
見故人隨計來勝地昔年詩板在清歌幾處郡筵開江湖
易見淹留興莫待春風吹

集作瘦梅

淮上與友人別

前人

揚子江頭楊柳春梅花愁殺渡江人數聲風笛離亭晚君
向瀟湘我向秦

送張相公出征

楊夔

得意在當年登壇秉國權漢推周勃重晉讓趙宣賢儒德
冠立降兵鈐太白傳援毫飛鳳藻發匣吼龍泉歷火金雞
耗凌霜桂益堅從來稱玉梁此更讓朱妍鴛鴦臻門下貌
貅擁帳前去知清朔漠行不費陶甄獻畫符中肯推誠契
上玄願將班固筆書頌勒燕然

送杜郎中入茶山脩貢

前人

一道澄瀾徹底清仙郎輕棹出重城採蘋虛得當時稱述
職那同此日榮劔戟步經

一作

高障黑綺羅光動百花明

謝公携妓東山去何似乘春奉詔行

送鄭谷

前人

春江歛歛清且急春雨濛濛密復疎一曲狂歌兩行淚送
君兼寄故鄉書

送賓貢登第後歸海東

杜荀鶴

歸捷中華第登船鬢未絲直應天上挂別有海東枝國界
波窮處鄉心日出時西風送君去莫慮到家遲以下三篇並見集本

送人南遊

前人

凡遊南國者未有不嗟咤到海路雖盡集作難盡掛帆人更多
潮沙分象跡花洞響虫歌縱有投文處於君能幾何

亂後送友人

集作送人遇亂

歸湘中

前人

家枕三湘岸門前即釣磯漁竿壯歲別鶴髮亂時歸岳暖
無後叫江春有鷺飛平生書劍在莫便學忘機

送江州薛尚書

一作即中

周繇

匡廬千萬峯影匝郡城中忽佩虎符去遙疑鳥道通烟霞

晴滿郭波浪暮連空樹翳樓甚至月帆飛鼓角風郡齋多喜
客鄉戶半漁翁王事行春外題詩寄遠公

送邊上從事

前人

戎裝佩鎬鋤走馬逐輕車衰草城邊路殘陽壠上笳黃河
穿漢界青塚出湖沙提筆男兒事功名立可誇

送洛陽崔員外

前人

塞詔除嵩洛觀圖見廢興城遷周古鼎地列漢諸陵日送
歸朝客時招住嶽僧郡齋臺閣滿公退即吟登

送人尉黔中

前人

盤山行幾驛水路復通巴峽漲三川雪園開四季花公庭
飛白鳥官俸請丹砂知尉黔中後高吟採物華

送楊環校書歸廣南

前人

天南行李半波濤
灘樹枝枝拂戲猱
初着藍衫從遠嶠
乍辭雲署泊輕艘
山村象踏枕柳葉
海外人收翡翠毛
名宦兩成歸舊隱
徧尋親友興何饒

送宇文震

前人

此別欲何往
未言歸故林
行車新歲近
落日亂山深
野店寒無客
風窠動有禽
潛知經日事
大半是愁吟

送友人遊東川

喻垣之

食盡湏分散
將行幾願留
春兼三月閏
人擬半年遊
風俗同吳地
山川擁梓州
思君登棧道
猿嘯始應愁

送友人南中訪舊知

前人

春盡大方遊
思君便白頭
地蒸川有毒
天暖樹無秋
水接三巴險
猿分五嶺愁
為緣知己分
南國必淹留

大梁送友人東遊

前人

自古東西路
舟車此地分
墓一作河聲梁苑
夜草色楚田曠
鴈已多南去
蟬猶在此聞
聖朝無諫獵
何計謁明君

此詩二百九十五卷重出今已削去註異同為一作

送友人遊蜀

前人

為儒早得名
為客不憂程
春盡離丹闕
花繁到錦城
雪消巴水漲
日上劔關明
預想迴來樹
秋蟬已數聲

送陳明府歸衡

黃滔

雛鶴兼雛一作留
下單車出柳烟
三年兩殊考
一日數離筵

久別潮波綠相思嶽月員翠蘿曾隱處定恐却求仙

送翁拾遺

前人

還家俄赴闕別思肯淒淒山坐輶車看詩將諫筆題天開
中國大地設四維低拜舞吾君後青雲更有梯

遊邊送友人

前人

虜酒不能濃縱傾愁亦重關河初落日霜雪下窮冬野燒
枯蓬旋沙風匹馬衝薊門雖漢土遊子莫從容

送友人遊邊

前人

銜盃國門外分手見殘陽何日還南越今朝往北荒沙城
經雨壞虜騎入秋狂新詠關山月歸吟鬢白霜

文苑英華卷第二百八十二

文苑英華卷第二百八十三

詩一百三十三

送行十八

張喬十七首

王貞白三首

張蠙十首

王穀一首

盧延讓一首

曹松六首

羅隱十八首

裴說五首

唐彥謙一首

送鄭侍御赴汴州辟命

張喬

官從諫署清暫去佐戎旌朝客多相送吟僧欲伴行河水
天際白嶽雪眼前明即見東風起梁園聽早鶯

送南陵尉李頻

前人

重作東南尉生涯尚似僧客程淮館月鄉思海船燈曉霧
看春轂晴天見卽陵不應三考足先授詔書徵

送鄭谷先輩赴汝州辟

前人

看花興未休已散曲江遊載筆離秦甸從軍過洛州嵩雲
將雨出汝水背城流應念依門客蒿萊滿目

一作秋

送沈先輩尉昭應

前人

餘才不廢詩佐邑喜閑司丹陛終須去青山未可期葉凋
溫谷晚雲出古宮遲若草東封疏君王到有時

送友人遊湖南

前人

所投非舊知亦似有前期向路長江上揚帆細雨時春生
南嶽早日轉大荒遲盡採瀟湘句重來會近期

送前輩讀三傳任長城尉

前人

登科精魯史作尉及良時高論窮諸國長才併幾司地傾
流水疾山疊過雲遲暇日琴書伴何人對手棋

送友人遊蜀

前人

天下猿多處西南是蜀關馬登青壁瘦人度翠微閑帶雨
逢殘火因江見斷山行歌風月好莫老錦城間

江上送友人南遊

前人

何處積鄉愁天涯聚亂流岸長群岫晚湖濶片帆秋買酒
過漁舍分燈與釣舟瀟湘見來鴈應念獨邊遊

送友人歸江南

前人

辛勤同失意迢遞獨還家落日江邊笛殘春島上花親安

誠可喜道在亦何嗟誰伴高吟處晴天望九華

送進士許崇

前人 見百家詩選

離鄉積歲年歸路遠依然夜火山頭市春江樹杪船干戈
愁鬢改瘴癘喜家全何處營甘旨潮濤浸薄田

送龐百篇之任青陽縣尉

前人

都堂公試日詞翰獨超群品秩台庭與篇章聖旨聞鄉連
三楚縣樹對九華雲多少青門客臨岐共羨君

送碁待詔朴求歸新羅

前人

海東無敵手歸去道應孤闕下傳新勢船中覆舊圖窮荒
迴日月積水載寰區故國多年別桑田復在無

送友人遊蜀

前人

劍閣緣空去西過第

一作西南過

幾州丹霄行客語明月杜鵑

秋露帶山花落雲隨野水流相如曾醉地莫戀少年遊

送友人北遊

前人

東歸未遂心北去幾沉吟把酒思鄉遠投文入塞深晉山
擎白道汾水截青林想見連天雪安知一作長安是積霖

送友人及第歸江南

前人

豈易及歸榮辛勤致此名登車思往事迴首勉諸生路遠
山光曙帆通海氣清秋期却閑坐林下聽江聲

送海東朴克

前人

天涯離二紀闕下歷三朝漲海雖然濶歸帆不覺遙驚波
時失侶舉火夜相招來往尋遺事秦皇有斷橋

送友人歸宣州

前人

失計復離愁君歸我舊遊
亂花藏道發春水遠鄉流
暝火叢橋市晴山疊郡樓
無爲謝公戀吟過晚蟬秋

送友人南歸

王貞白

南國菖蒲老知君憶釣船
離京近殘暑歸路有新蟬
峴首白雲起洞庭秋月懸
若教吟興足西笑是何年

送馬明府歸山

前人

辭秩入匡廬重脩靖節居
免遭黑綬束不與白雲踈
送吏各獻酒群兒自擔書
到時看瀑布爲我謝清虛

送韓從事歸本道

前人

獻捷靈州倅歸時寵拜新
論邊多稱旨許國誓亡身
馬渴

黃河凍鴈回青塚春到蕃
唯足戰應不肯和親

送友人赴涇州幕

一作送李中丞再赴慶州

張蠙

見百家詩選

杏園沉飲散榮別就嘉招
日月相期盡山河獨去遙
府樓明蜀雪關磧轉胡鷗
縱有烟塵動應隨上策銷

送成州牧

前人

清時爲塞郡自古有儒流
素望知難愜新恩且用酬
犬牙連蜀國兵額貫秦州
抵作三年別誰能聽邑留

送董卿赴台州

前人

九陌除書出尋僧問海城
家從中路挈吏隔數州
迎夜蚌侵燈影春禽雜櫓聲
開圖見異跡思上石橋行

送徐州薛尚書

前人

上將出儒中論詩擬立功州從禹後別軍自漢來雄遠驛
銷寒日嚴城肅暮空龍顏有遺廟猶得奠英風

送薛郎中赴江州

前人

幾州聞出刺遙羨有江民正面傳天旨懸心禱岳神尺書
先假路紅旆旋燒塵郡顯山川別衙開將吏新散招僧坐
暑閑載客行春聽事甚忘着探題酒亂巡好編高隱傳多
貌上昇真近日居清近求人在此人

送縉雲尉

前人

釋褐從仙尉之官興若何去程唯水石公署在雲蘿野阪
樓中迥晴峰案上多三年罷趨府應更戰高科

送友人歸武陵

前人

聞近桃源住無村不是花成旗招海客廟鼓集江鴉
垂橙實閑田長荻花遊春未得意看即是離家

和友人送趙能卿東歸

前人

一第時難得歸期日已過相看玄鬢少共憶白雲多楚澗
天垂草吳宮月上波無人不有遇之子獨狂歌

送友人歸南中

前人

有家誰不別經亂獨難尋遠路波濤惡窮荒雨霧深曉驚
山象出雷觸海鰲沉爲問南遷客何人在瘴林

送友人及第歸

前人

家林滄海東未曉日先紅作貢諸蕃別登科幾國同遠聲
魚呷浪層氣蜃迎風鄉俗稀攀桂爭來問月宮

送友人歸閩

王穀

東南歸思切把酒且留連
再會知何處相看共黯然
猿啼梨嶺路月白建溪船
莫戀家鄉住酬身在少年

送友人赴闕

盧延讓

正當天下待雍熙丹詔徵來早
為遲倚馬才高猶愛藝
問牛心在肯容私吏開黃閣
排班處民擁青門看入時
却笑郡人留不得感恩唯擬立生祠

九江送方干歸鏡湖

曹松

一檣懸五兩此日動歸風
客路拋湓口家林入鏡中
譚餘雲出嶠詠昔月歌空
更若遊支島何人夜坐同

送尤協律京西從事

前人

辭書來幾日逐意就嘉招
猶向風沙淺非於旬服遙
時平無探騎秋靜見盤鵬
若遣關中使煩君問寂寥

都門送進士張喬東歸

前人

舊客東歸遠長安詩少朋去愁
分磧鴈行計逐鄉僧華嶽
無時雪伊河漫屢冰知辭國門
路片席認巴陵

秋日送方干遊上元

前人

天高淮泗白料子趨脩程
汲水疑山動揚帆覺岸行
雲離京口樹鴈入石頭城
後夜分遙念一作處諸峯月霧詩選作霧露

生

送陳樵校書歸泉州

前人

巨塔列名題詩心亦罕
齊除官京下闕乞假海門西
別席

侵殘漏歸程避戰鞏關遙秦鴈斷家近瘴雲低候馬春風
館迎船曉月溪帝京須早入莫被刺桐迷

送進士喻坦之遊太原

前人

北鄙征難盡詩愁滿去程廢巢侵曉色孤詩選作荒塚入鋤聲

迨野河流濁離雲積月明并州戍壘暮詩選作角動引風

生

送李右丞分司東城

羅隱

分曹得洛川讜議更昭然左省曾批勅中臺肯畏集作權

所悲時漸薄共賀道尤全賣與清平代相羨直幾錢

送汝州李中丞十二韻

前人

群盜方為梗分符奏未寧黃巾攻郡邑白挺掠生靈塵土

周畿暗瘡痍汝水腥一克雖剪滅數縣尚凋零理必咨寬

猛謀須籍典刑與能纜物論慎選忽天庭官品尊臺秩山

河擁福星虎知應去境牛在肯全形舊政窮人瘼新衙展

武經關防秋草白城壁晚峯青破膽期來復迷魂想待醒

魯山行縣後聊為奠惟馨

送沈光侍御赴職閩中

前人

末至應居右全家出帝鄉禮優逢苑雪官重帶臺霜夜浦

吳潮吼春灘建水狂延平有風雨從此是騰驤

送內使周大夫自杭州朝貢

前人

八都上將近平戎便附輶軒奏聖聰三按集作變又作接駕前朝

覲禮一函江表戰征功雲歸集作閩苑何時見水到集作

瑤池觸處通知有殿庭餘力在莫辭消息寄西風

淮南送節度盧端公將命之汴州端公常為汴州

相公從事

前人

吹臺高倚圃田東此去軺車事分同珠履舊參蕭相國綵
衣今佐晉司空醉離淮甸寒星下吟指梁園密雪中到彼
的知宣室語幾時徵拜黑頭公

送盧端公歸臺盧校書之夏縣

前人

綿綿堤草拂征輪龍虎俱辭楚水濱只見勝之為御史不
知梅福是仙人地推八米源流盛才笑三張事業貧一種
西歸一般達栢臺霜冷夏城春

送朗州張員外

前人

聖朝綸閣最延才須牧生民始入來鳳藻已期他日用集
旗應是隔年回旗飄峴首嵐光重酒奠湘江杜魄哀腸斷
秦原二三月好花全為使君開

重送朗州張員外

前人

朱輪此去正春風且駐青驄集作門聽斷蓬一榻早年容孺
子雙旌今日別文翁誠知與集作及善心長在爭柰干時跡
轉窮酬德酬恩兩無路謾勞惆悵鳳城東

淮南送李司空朝覲

前人

聖君宵旰望時雍丹詔西來雨露濃楚客歌狂集作宣休
歎鳳武侯才大本猶集作吟龍九州似鼎終須負萬物為銅
只待鎔臘後春前更何事便看經度奏東封

淮南送工部盧員外赴闕

前人

始從豸角曳長裾又吐鷄香奏玉除隋卽舊僚推謝掾漢
庭高議得相如貴分赤筆升蘭署榮著緋衣從板輿遙想
到時秋欲盡禁城涼冷露槐疎

淮南送司勳李卽中赴闕

前人

中朝品秩重文章雙筆依前賜望卽五夜星辰歸帝座半
年樽俎奉梁王南都水煖蓮分影北極天寒鴈着行不必
戀恩多感激過淮應合見徵黃

送陸卽中赴闕

前人

幕下留連兩月強爐邊侍史舊焚香不關雨露偏垂意自
是鴛鸞合着行三署履聲通建禮九霄星彩應明光少瑜

管立遲錦從此西垣使鳳凰

早春送太梁盧從事

集作送張坤歸大梁

前人

蕭蕭羸馬立

集作正

塵埃又送輜軒向吹臺別酒莫辭今夜

酌

集作醉

故人知是幾時迴泉經華嶽猶應凍花到梁園始

合開若見

集作爲謝

東門抱關者

集作吏

爲言

集作不堪

惆悵滿離杯

此詩又見二百三十一卷

送進士臧漬下第後歸池州

前人

賦成無處換黃金却向東遊

集作春風

動越吟天子愛才雖側

席諸生多病又霑襟柳攀灞岸狂遮袂水憶池陽綠滿心

珍重綵衣歸正好莫將閑事繫升沉

途中送人東遊有寄

前人

離驂莫惜暫逡巡君向池陽我入秦歲月易拋非曩日酒
盃難得是同人路經隋苑橋燈夜江轉臺城岸草春此處
故交誰見問爲言霜鬢壓風塵

送宿松傅少府

前人

江籬漠漠樹重重東過青淮到宿松縣好也知臨皖水官
閑應得看瀟峯春生綠草集作野吳歌怨雪霽平郊楚酒濃
留取餘盃待張翰明年歸棹一從容

送沈光及第後東歸兼赴嘉禮 前人

青青月桂觸人香白紵衫輕稱沈郎好繼馬卿歸故里况
聞山簡在襄陽杯傾別岸終集作應須醉草集作花傍征車漸
欲芳擬把金錢集贈助嘉禮不堪栖屑困名場

送友人歸夷門

前人

三年流落大梁城每送君歸即有情別路筭來成底事舊
游言着似前生苑荒懶認詞人會門在空憐烈士名至竟
男兒分應足集作定不須惆悵谷中鶯

送人宰邑

裴說

官小任還重命官難偶然皇恩輕一邑赤子病三年瘦馬
稀食粟羸童不識錢如君清苦節到處有人傳

春暖送人下第

前人

相送短亭前知君愚復賢事多憑夜夢老爲待明年春樹
添山脊晴雲學曉烟雄文有公道此別莫潛然

湖外送何崇入閣

前人

因詩相識久忽此告臨途便是有船發也須容市沽精吟
五箇字穩泛兩重湖長短逢公道清名振帝都

送進士蘇瞻亂後出家

前人

因亂事空王孤心亦不傷梵僧爲骨肉栢寺作家鄉眼閉
千行淚頭梳一把霜詩書不得力誰與問蒼蒼

秋日送河北從事

前人

北風沙漠地吾子遠從軍官路雖非遠詩名要且聞蟬悲
欲落日鷗下擬陰雲此去難相戀前山慘袂分

送樊瑄司業歸朝

唐彥謙

近者蘇司業文雄道最光夫君居太學妙譽繼中行汲郡
陵初發汾陰篋久亡寂寥方倚席容易忽升堂去日應懸

榻來時定裂裳愜心頻拾芥應手屢穿楊辨給如無敵飛

騰固自強論心期舌在問事畏頭長駟馬終題柱諸生悉

面牆啗螯譏爾雅賣餅訴公羊

三國志注魏嚴幹善春秋
公羊鍾繇好左氏爲公羊

爲賣餅家未見泥函谷俄驚火建章烟塵昏象魏行在隔巴梁

紅粟填郿塢青袍過壽陽剪茅行殿濕伐栢舊陵香鬢室

青衿盡渠門火旆揚雲飛同去國星散各殊方賤子悲窮

轍當年亦擅塲藝辛尋幼婦醴酒憶先王聖域探姬孔皇

風樂禹湯畏誅輕李喜言命小臧倉折樹休盤槩沉鈎且

釣璜鴻都問詞客他日莫相忘

